

樞丙申冬趨湖漕舟官戍小廨泊崇新門外傍  
河依柳髻髻家居剡剡之餘時作一二解殊自  
適丁酉鬱攸挺變場地焦土轉徙不常脩繕  
御前諸營投身竹木瓦礫中奔走不暇及涉筆  
冰幕塵埃益甚經年僅得十餘篇非曰忘之勢  
也戊戌秋捧檄東越鑿石障江因登蓬萊挹秦  
望探禹穴訪蘭亭上會稽中峯謁陽明洞天山  
川之秀陶鎔曾次問喟一聯自謂可意故所得  
最多亥春旋莫董築江隄清事始盡廢矣嘗觀  
銀濤萬壘瞬息去來翠山數點空遠呈露非不

足以發雅思而動雄心而無一語及之者亦勢也  
也歲晚壩岍成樞秩適滿哀集舊作共百二十  
題先正詩云野水無人渡孤舟盡日橫典樞官  
業偶同遂命曰橫舟藻嘉熙庚子元日樞書

芸隱橫舟藻

浮玉施樞知言

輪差祝 聖所拈香

辦香來謁玉宸宮月在觚稜絳闕東轉向御街  
西畔過朝天萬馬正匆  
幾度來游幾賦詩又因將命到靈芝三呼祝了  
君王壽偷眼湖光立片時

至日謁廟吳山見日初出

曦龍浴海上扶桑雲長輝芒燭萬方史館繽紛  
書瑞色禁城奕燁鎖祥光從知繡線添紅影獨

喜丹心向太陽節良官閑無一事諦觀易道靜  
焚香

解宇傍河髻髻家居

合是清溪近處居在官却與在家如柳風拂岸  
時鳴櫓梅月橫牕夜讀書休問舟閑無暖渡須  
知水到自成渠俸錢已足供薪粒比着簞瓢儘  
有餘

昨夜

昨夜陰風刮地鳴亂敲窓紙夢魂驚壁寒剝落  
泥成片屋老漂搖尾作聲野市霜明人蹟險官

河水冷客舟橫翻思帶甲眠戈者何幸喙身傍  
帝城

月夜憶梅花

夜深寒月照窓紗忽憶林逋處士家鷗鷺正眠  
煙樹冷不知誰可伴梅花

生朝報恩夜醮

絳節翩翩七寶車謠歌飛上玉皇家鶴壇月冷  
天風靜開盡碧桃無限花

菊潭賦小窓睡香次韻

兀兀蕭團萬慮除定回寒月滿康廬幽香自有

禪心會春不相知亦任渠

夜聞城中簫鼓

簫鼓喧天競看燈都民應喜見  
非平芳心自不同  
同年少細嚼梅花坐月明

和東園鄭震見寄

薄官來京洛相逢久更親  
丹心期為國白髮易  
催人月冷烏驚夜霜明  
雞喚晨吟邊頻自感還  
染九衢塵

題桃源圖

山中與世不相關  
雞犬桑麻盡日閑  
傍水桃花

春爛熳誤傳消息到人間

和菊潭玉泉韻

不是靈源透碧虛  
可容六六化龍魚  
講經人去  
前湖暝翻手為霖自有餘

酬瓜疇趙鑪夫投贈

謀生百拙世無如  
贏得心清刺讀書  
薄宦喜從  
京國路閑身還似野人居  
濟川事業歸商傳  
獻賦聲名羨子虛  
歲晚且留梅作伴  
吟邊月冷一枝疎

仲孚歲晚書懷因次其韻

終有徵書訪綺園  
心期獨向老天言  
物情已逐東風轉  
未必全歸野燒痕

端平除夕

宦遊來此亦隨緣  
過了新冬又餽年  
今夕桃符猶自寫  
明朝杯酒讓誰先  
但令世道皆平地  
此外身名任老天  
春興詩家如有意  
早傳清夢謝池邊

嘉熙元旦

先春一日紀正元  
熙寧初更氣候暄  
萬象光隨黃道轂  
千官班奏紫宸門  
梅迎霽色來窓底  
柳

挽和風到水根  
但願時平年事好  
井湛有命不須論

立春

彩勝飄春上鬢  
蓬倚欄一笑問東風  
青、柳眼梅花面  
纔染陽和便不同

雨後道間見紅梅

玄都境界玉堂身  
輕負湘簾步曉陰  
昨夜雨肥添酒暈  
紅情染得十分深

盆梅

白玉堂前樹  
誰移此地栽  
盲教清意足  
喚得豔

陽回舞片疑雲墮留香待月來只應標格好獨  
為歲寒開

春雪

臘裏霏微未許多春來舞片却交叉混成天地  
皆同色點染園林盡看花岸蹟雲凝迷去鷺屋  
頭煙煖見饑鴉東風畢竟能融化不放寒澌水  
去聲柳芽

再雪

投曉又翻飛春風亦被欺須知寒徹夜勝似臘  
殘時艷粉同梅落輕花替柳吹渾然成片玉凍

合在前池

題龍首圖

變化成來體勢高坐令幽思起雲濤春雷一鼓  
驚頭角碧海風輕袞絳桃

落梅

粉香銷盡骨猶清望斷瑤臺轉有情便是百花  
無此分看：事業到和羹

桃花

武陵人去水橫陳獨向玄都管領春日煖風輕  
塵撲面劉郎空老空吟身

宿接待寺

梵境忽巍峩門前對市河有心弘誓願於此接  
經過郭近人聲雜響高兩氣多規摹踰百載猶  
說喻彌陀

宿龍泉寺

有葛仙丹井

既濟功成列左玄餘波猶作世間泉苔荒碧甃  
龍宮寐庭老梅花月在天

橫瀆岸過梅花方開

雪染梅花倚道傍亭々野水弄幽芳東風似賞  
孤高意未許飄零一片香

雙路

王命馳驅不敢輕文書要覈去來情青山步々  
生幽意碧澗悠悠趁遠程春澗禽聲猶自小泥  
酥馬蹟正宜晴地名見說名雙路便舍崎嶇就  
坦平

實際息前睡香

瑞錦窠應對錦郎誰將靈種到幽坊山深月冷  
梅花老壓畫屏英是此香

石橋接待

當年立雪直齊腰宗旨流傳到石橋風急牕寒

燈影遠疎梅無語夜鄉銷  
手筆華嚴梵笈新更開寶地接迷津一聲金磬  
人初靜月照空山草白春

開寺中曉鼓

靈鼙一鼓振潮音征夢迢迢枕畔聞語斷頻伽  
天正晚松風吹散滿山雲

跨水道間

店舍總迢迢山深轉寂寥昏鷗臨遠水下馬過  
危橋晴雪林間少春風野外饒此行為王事旅  
食任蕭條

岨山鋪

未說路行難山深分外寒晚村林隱寺春礪石  
鳴灘薄宦曾無補勞生敢自安羽書雖較少脩  
禦莫教寬

杏塘

境接江東界郵程是杏塘雨喧茅屋小泥滑草  
橋長曠野人稀少平田水渺茫半生遊歷地未  
苦此荒涼

四安梵忠藏殿

記云曾經失火不能焚  
輪自轉

劫火不能焚空中轉法輪風霜鷓鴣殿古金碧貝



函塵物本由成數人言不壞身却憐無問者遺  
蹟竟成陳

上司諫曹先生

聲名滿世重於山果見延登左掖班天子虛心  
求國是先生着手濟時難要看出處諸公上只  
在精神一轉間前此極言雖引去安危理亂正  
相關

池萍

一番雨過一番多間挾晴風漲綠波柳絮吹殘  
游蹟在謝池點、是陽和

分賦揚花

曲字

纖腰睡起芳情足誰道春風浪拘束日暮天涯  
細草多輕風誤入闌干曲

雨吟

園林綠盡合清和猶有餘寒在薄羅幾縷清風  
春別柳一庭苦雨夜鳴莎人於生處窮通定事  
到難時感悟多水上浮漚頻起滅看來物理總  
由他

夜坐有感

不為名所累應是得安居客夢方知幻身謀友

似疎風高秋塞遠雨急夜息虛猶望收來效頻  
翻舊讀書

送黃溱遊金陵

六朝多舊事誰典問江山我亦身重到材疎語  
竟慳燕歸秋卷靜鷺去晚洲閑健筆無輕賦前  
賢轍可攀

酬山月江典投贈

帝里風光好隨緣適宦情却居城郭外不雜市  
塵聲水國霜天冷梅庭夜月清正慚無雅韻敢  
說到詩名

竹籬茅舍本相安誰典移根入畫欄儘道重簾  
妨暖日疎枝卻得護春寒  
風標夔典萬花殊可有塵埃染得渠把住瓊枝  
相晤語只疑身在玉堂居

和陸明叟

了無閑事上眉纖一炷清薌靜畫簾造化自從  
回暖律芬華頓覺轉窮簷輕風度柳春情薄細  
雨催花土脈黏所愧微官相束縛何因共訪酒  
家帘

夜息聽雨

一炷夜香清挑燈聽雨聲雖然添客夢卻可助  
詩情澤沁蘭心重沈醉笋角萌山行頻有約日  
日候晴明

破榴

蜂殼盈三萬顆珠潤於瑪瑙浸水壺吟心先去  
自清如水嚼了寒霜骨更臞

登應天塔

雲級湧青冥金螯載寶輪地高心自逸天近足  
無塵圖盡千峰晚樓臺萬井春三生許元度曾  
此證前身

鰻井

在應天塔後羅漢堂舊聞有泉透  
海後為婦人所織今枯涸矣下即  
濮邸園廟

人言此井有靈源潮落潮生透海門陵谷未須  
窮變易朱膺裏是濮王園

大能仁寺

山門八百餘年戊戌秋震於  
風雨

規模應中剎殿閣擁金僊歲歛炊煙絕城低野  
色連客僧皆散去主者獨安眠成毀難逃穀山  
門八百年

留滯

何期踪跡又遲留行止於人自不由夢境固知  
空似蟻生涯卻笑拙如鳩碧涵一鏡晴天潤翠  
湧千峰宿雨收從此公餘須杖屨未應草屨度  
春休

曉寒

曲，屏山憶夢中峭寒成陣入簾櫳宿香銷盡  
金猊冷一樹梅花怯曉風

晚思

客思悠々幸自安亦因吟事可相寬小窗過了  
蕙纖雨細與東風說晚寒

用明叟韻併寓山行未成之意

久客住蘭亭心同晉水清忘機盟宿鷺伐木聽  
雖鶯物亦知人意春寧有世情幽尋空作計一  
夜雨連明

苦雨

何期一雨成三日約客行山竟未能春到分時  
陰不解夜當深處氣猶凝簷依捲箔看飄灑礎  
潤添香散鬱蒸想見故園梅落盡和羹消息又  
堪憑

雨中用雪坡韻

無計酬春濁有詩倚欄終日候晴暉東風漸屬  
新桃李簾幕深燕子飛

雪坡以雨阻山行有詩因以次韻

為欲看山助眼明頻占鵲喜報新晴春光已過  
三之一塵世難逢四者并詩酒深情殊未適看  
蔬薄具亦頻更終未似西湖好晴雨皆堪傍  
柳行

月丹和鶴莊韻

靈種飛來鶴頂紅誰云九轉有仙功廣庭曾侍  
東風宴留得霞杯照晚叢

禹廟

且要盡清懽須知一出難人烟晴後喜春到水  
邊寬柳長官橋媚梅飄客袖寒荒祠存禹蹟得  
得又來看

鏡湖一曲

天典平湖老賀郎春波依舊染晴光可憐千載  
風流意付典租符曉夕忙

用雪坡春色韻

纔出城門興便濃晴光野色兩俱融柳方染得  
三分綠桃已重成一半紅山湧林巒荒寺隱湖

分港汊小舟通相携各自論  
年事幾度春風上  
鬢蓬蓬

用梅溪鏡湖韻

畎畝鏡中分滄波雜斷雲  
向來官裏賜今屬野  
人耘懷古天難問  
貧吟日易曠羽衣遺傳本起  
誦想餘芬

天基瑞應宮舊毓聖地

金碧耀瓊廬天開統電  
區烏沅周室瑞蛇斷漢  
家符石井騰曦馭瑤壇  
布斗樞願將皇極福敷  
錫徧康衢

鐘

送東浦張應發歸永嘉

客裏偶相逢襟懷亦偶同  
對梅吟夜月折柳問  
春風子勿言浮梗余方笑  
轉蓬歸程驚雁蕩得  
句附郵筒

碧桃

月浸虛庭夜未央  
一枝靜對白雲鄉  
三生自結  
玄都約來泮竦掣到玉堂

一春屢有陽明之約  
兩輒尼之將旋悞  
侍外舅來游薛若二羽衣  
一能參上道  
一能知大丹  
竟日留話喜賦二解時清

明日也

幾有行山約山靈得知仙家寧易到塵世亦  
何為草潤非煙石花流止水池不晴還不雨正  
是賣錫時

裂石未嘗闕母將俗眼觀虛中元有受造蘊亦  
何難羽客能談道雲房識候丹只應仙有分風  
響步虛壇

道間見桃李花

東風到處競繁華不問窮欄與大家垂柳綠中  
深院宇隔廡時有出來花

龍瑞宮側訪仙姑不值

輕紅片片落桃花劉阮空迎紫鳳車石洞自天  
元不閉何須流水覓胡麻

送妻叔婦姑

此身元是客還作送行詩笑語如今度綢繆似  
舊時買船春載酒剪燭夜抨茶煙雨樓前景圖  
束慰所思

出西門寄呈外舅姑

自從依監宅不似時親義重難為別情同久  
更真一簫思去鳳雙壁倚靈椿只等中除報相

迎策路塵

唐園 內人朝陵此園供午頓

幽居已似水中仙更有亭臺在屋邊擬作小園  
難画處一年兩駐內家船

覺苑寺

宋江淹舊宅今山門白右江寺寺前  
摘醉中井皆以夢筆名酌水涼甚

以是詞人宅名因後世傳驛中存竅井橋下駐  
歸船一夢空塵蹟千年尚福田筆靈應騰馥試  
為酌清泉

祇園寺許詢舊宅有感公水

應天曾建塔又此結精廬釋氏緣何熟詩人念  
總踈壁荒遺画水僧老學醫書笑我重來昔經  
年不定居去年點木白  
洋會寺此寺

秦和龜翁送別

為說吟邊事曾陪謔笑頻自慚無韻者敢對有  
名人兩洗秦山鏡波明鏡水春奴還別去芳  
草正如茵

蕭山望城中道詞

見說天文變頻占大火臺但云星犯月不料火  
為灾晝夜香煙滅道人問訊來丹心勤戀闕東



鄉姬製回

喚渡旋幙

半載遊東地相携只是詩  
心懷丹鳳去夢與白鷗隨  
俯仰俱無愧勤勞必肯知  
歸舟平似掌天亦念孤危

雍正壬辰秋于吳門桃花塢之玉瑞樓

芸隱勸游稿自序

余下壬辰第始學詩間吟殊未與意合甲午  
往來錦繡或自家山趨京城萍汎不羈每多  
感賦至市橋見月之句若有悟解及乙未秋  
入吳攝庾臺莫丙申纔復過越訪東洲先生  
嗟又少暇日搜故篋得五言七言絕句可意  
者僅百篇題曰勸游稿嗟夫自三百篇以後  
無詩騷了詩之變五言又騷之變余何者輒  
敢言詩然性嗜詩時發於機動籟鳴亦不自  
知其僭姑以識後日所學之進否云浮玉施

樞書

芸隱卷

一

芸隱勸游棠

浮玉施樞知言

立春

雪花風細拂春旗一色雲邊漏暖曦  
羣吏守文行故典長官書祝致新詞  
土牛底事遭身碎絲勝隨時把鬢欺  
爭似野人閑可睡枕邊搔髮自吟詩

感春

等閑羈旅欲歸難  
又見流鶯綠絲蟠  
九十日春從此始  
萬千心事對誰言  
海邊粉墜寒香骨  
草

芸隱勸游棠

一

際青歸野燒痕且把一杯酬好景  
范風今日已  
翻翻

春前一日雪

眉頭只有今朝臘  
雨霏霏滿太虛  
六出試粧  
梅欲妬萬花飄絮柳難如  
雲凝慘送元冥  
旃風舞歡迎青帝  
車始信春工多富貴  
便堆白玉滿前除

春多日

春到谿山已近旬  
尋春猶自負深情  
愛閑長向梅邊立  
趁暖時從竹下行  
苦乏詩材無可借  
更

嫌酒病有餘  
醒笑來豈是因名利  
纔有閑心便不清

贈湖邊柳

亂撒鶯黃拂曉晴  
天涯多少故人情  
遊船空逐輕陰轉  
半屬春風半屬鶯

夢遊徑山值雪擁爐賦詩

雪天元自冷  
何況是山中  
此嵌是雙徑  
衝寒霧  
千林戰晚風  
室中人已定  
爐內火常紅  
萬事皆如夢  
誰知夢亦空

次蒙齋至日韻

試檢清臺舊宮氣已回功名難強敵歲月任  
渠來雨送猶存菊煙村可問海鳥貪吟有伴到  
此又徘徊

玉泉

水蹟無增減從知地有靈群魚潛異窟一芥納  
滄溟濟隱新留詠超師舊講經聖時調玉燭龍  
暄不須醒

老僧念佛

身世皆空境知空自不悲何須臨暮日逐急念  
阿彌裴相安心際維摩懺罪時同歸無有地明

月在秋池

扣菊潭韻題秋潭買山圖後

身世如萍漫浪休機心誰遣誤沙鷗從來風月  
驚人句即是湖山買屋謀訪友定尋雲外寺携  
壺須上竹邊樓知音自有漁樵侶莫被人稱第  
一流

對雪

怪得連陰不放晴直教飛雪試輕盈風回冉冉  
電索舞雲暗絲絲鶴羽明六似梅花饒一出薄  
於柳絮更多情披衣端為詩催起吟得詩成分

外清

霸國祠

類說中冓及臨安縣土地始末昔城  
 孤社鼠妄自依憑可愕而怒也及來  
 錦溪因式是祠三肅而薦之以詩  
 瓶笙驚晝睡此意有誰知蛙井成何事鴻圖豈  
 易窺一身雖戮辱萬姓免瘡痍茅土今何在惟  
 存霸國祠

早起

早起看花露西風把鬢欺心清多在道夢好亦

成詩過但思求已生無事皺眉功名緣底事到  
 手却如遲

漕闈揭曉後述懷

畫眉深淺典時殊肯向堂前怨舅姑自是吾儂  
 多蹇薄可堪爾汝肆擲揄心知不是池中物眼  
 獨羞看屋上烏得喪總為身外事不如委命樂  
 樵蕪

開雁

飛盡沙田到水鄉年來往為誰忙只貪月夜  
 蘆花宿不是將身傍稻梁

道真觀

袁都錄自強疑安  
御書高其堂舊有桃源洞今踪蹟湮  
沒不復可攷

不到凝安二十年丹青一幅尚依然青牛已去  
仙踪遠却有山禽下玉田  
桃源事已成荒幻那更形容學避秦欲訪舊踪  
無處覓滿花山落不知春

泛月夜歸

短艇衝寒泛淺沙滿溪明月浸蘆花忽驚遠岸  
燈光發離落蕭疎一兩家

龜溪市橋見月

樓臺疊翠遠清溪淺澹雲邊月一眉行到市聲  
相接處傍橋燈火未多時

寄寶藏壁天瑞

路轉小橋東群龍擁梵宮荇花明晚水蓮葉向  
秋風匠斧應休後禪腮定費功笑他塵俗者容  
路每匆

夜寒有作

可怪輕寒薄短衾起來搔首傍燈吟百年易老  
風前鬢萬事難侵水樣心為叶雲天秋渺一蟲

鳴露砌夜沉，朱絲自寫無人識。一曲寒了太  
古音

入京

何期又泛玉京船，行止於人不偶然。寒力勝如  
前兩夜，世情熟似近三年。只將興味留詩裏，苦  
乏工夫到酒邊。萬事看來忙不得，只須委順樂  
吾天。

憶孤山

孤山不是遠，只隔鳳城門。爭賞詩家句，誰招隱  
士魂。秋風林下塚，寒月水邊村。擬待梅花發，長

吟時一尊

小樓獨坐用菊潭壁間韻

簾捲疎風入小樓，夕陽銜鴈欲西流。無人細說  
吟邊事，獨有黃花共晚秋。

別高家店

獨抱朱絃識者稀，湖山與我獨相知。煙迷柳岸  
經行少，月照梅牕做夢遲。酒價寒高誰與買，食  
綿夜薄自多思。歸舟又值商量雪，好似清溪訪  
戴時。

夢回

銀漏迢迢箭後傳  
夢回月在早梅邊  
小池凍合寒蘆折  
應是鴛鴦夜不眠

馬上

只為谿山有宿盟  
兩旬兩度此經行  
馬嘶險迳霜蹄滑  
鷗舞平沙雪羽輕  
豪氣不從塵外減  
新詩偏向道間成  
梅花似有相迎意  
野水籬邊數藥明

讀真西山奏疏

戎狄從來不可憑  
誰令漢祖議和親  
連衡休易從游說  
厝火當憂卧積薪  
黯在淮南謀自寢  
亮

亡司馬志方伸  
本強始見遐衝折  
信是經綸直要人

新月照雪

等是尋常月因添雪更明  
看他同樣白與我一般清  
睡鶴應難認棲鳥亦屢驚  
梅花仍有意相伴聽寒更

雪晴

送臘終宵舞知春破曉晴  
燒痕隨草長霽色映梅清  
溜滴簷簷折冰開沼鏡明  
夜窓如對月還又憶輕盈



對雪

誰使霓裳逞細腰隨風盡日袂飄飄飛花却訝  
春將遍舞片還驚凍易銷看熟似同鷗過渚興  
仙剛道鶴冲霄吟成誰與相酬酢賴有疎梅伴  
寂寥

正月十四夜

羈游偶值上元時蓮艷燒空照錦谿堂上珠簾  
如水浸庭前釐架與山齊風傳鼓吹春聲鬧兩  
過笙歌夜語低自笑蓬牕勤苦士何當太乙為  
燃藜

新晴

寒牕寂寞度殘冬接得春來雨又風芳思悠々  
空自遠清游款々與誰同林梢淡抹煙初霽菜  
甲新抽土旋融多謝殷勤鶯鶯舞教聲足喜夕  
陽中

分韻春字

柳外鶯聲錯喚人小後吟苦不知春落花飛過  
秋千去一片閑情客裏身

綠字韻

曉曠香銷閑盡燭夢回山斷暮風曲輕煙細雨

客情多南浦草隨新漲綠

書事

閑時但覺求人易險處方知為己深  
世事盡隨流水盡白雲自識古人心

所見

齊眉沉醉綺羅叢心事誰知付去鴻  
不惜千金留粉黛更無一語怨東風

閨思

簾底臨鸞惜歲華鬢雲慵掠寶釵斜  
落梅香斷無消息一樹春風屬杏花

湧金門外

柳絲舞困起炊煙羅綺相催欲上船  
貴冶亦知春有夜煖沙還付白鷗眠

蘇東坡詩集

春夜賦小字

桐花開春欲老日斷斜陽芳信杳  
東風不覺客情多杜鵑啼月青山小

再行湖上

接臺萬疊照斜暉紅褪園林綠漸肥  
艷是杏桃開過了春風吹到野蒿薇

小樓對月

客情多南浦草隨新漲綠

書事

閑時但覺求人易險處方知為已深  
世事盡隨流水盡白雲自識古人心

所見

齊眉沉醉綺羅叢心事誰知付去鴻  
不惜千金留粉黛更無一語怨東風

閨思

簾底臨鸞惜歲華鬢雲慵掠寶釵斜  
落梅香斷無消息一樹春風屬杏花

湧金門外

柳絲舞困起炊煙羅綺相催欲上船  
貴冶亦知春有夜煖沙還付白鷗眠

春夜賦小字

岸桐花開春欲老日斷斜陽芳信杳  
東風不覺客情多杜鵑啼月青山小

再行湖上

樓臺萬疊照斜暉紅褪園林綠漸肥  
艷是杏桃開過了春風吹到野蒿薇

小樓對月

京國誰曾念  
旅游閑情  
芳思兩悠々  
却因今夜  
攔杆月  
引得春風上小樓

晚望

芳草迢々客路長  
柳邊吹絮  
燕泥香  
桐花拆盡  
春歸去  
猶倚危闌問夕陽

再賦酬吳鞠潭

酌酒酬春醉  
晚紅誰知書劍兩無功  
漁竿冷浸半絲月  
牛背閑消一笛風  
仙夢不隨狂蝶亂  
家書只倩素魚通  
友聲更擬遷喬去  
底似人情較異同

覽鏡

心到無營本勸游  
何期身又客  
王州匣藏青鏡  
閑情薄衣染紅塵  
滿面羞風月  
幾曾於我少波濤  
半是為人憂  
故山幸自堪耕釣  
不必生涯足是休

牡丹

天然貴格鎮群芳  
細雨叢中試寶粧  
肯與亂紅爭國色  
甘同柔綠挽春光  
玉蘭倚困嬌無力  
金鴨沉煙不敢香  
可惜承恩亭北賦  
苦無妙語告君王

留別詩僧

家山方繾綣客路復西東  
自念依明世誰令策  
雋功三盃桑落酒一棹柳花風  
別後詩應好吟成寄短筒

送春

相逢九十日彼此惜芳期  
折柳停閑騎嚼花吟  
好詩經年行遠別對景起深思  
日落不知處四山啼子規

懷友人

錦野重來已秀蔓雨肥梅杏粉  
痕銷晚山四面

子規叫曉樹一聲婆餅焦耐久  
交當如水淡慣  
游身亦似蓬飄老鶯不省春  
歸久獨自教誰學  
徙喬

後塢示壁天瑞

幾年不到已公齋客裏明知未  
定家生滅無邊  
方共語滿山春雨落松花

即事

暝色分煙上遠峯雨聲斷處又晴  
風寶香羞冷  
閑情遠落盡蒿蕪一絮紅

簷玉鳴

曉窓風細響簷鈴  
一曲雲歌枕上聞  
夢斷不知  
仙路杳  
鶴銜松露入青雲

東天目

三潭之下有九溪之隔三潭之上有  
百文瀑泉之勝飛橋之險涉深攀  
止到第以限仙凡也又有東西二井  
可觀所以三洞黃冠人遊覽不  
石室朝陽三洞黃冠人遊覽不  
肯指引僅披荆斧題名朝陽洞中  
不辭巖險訪龍潭底無窮碧似藍亂石鳴灘  
谿過九飛泉瀉瀑壑分三雖然道士能相引不  
比樵人得盡詣悵帳飛橋無路到乘風應許御  
雲驂

不謂山行得此晴  
有名勝處必須經  
玉田草滿  
春無極石室人稀  
夜不扃自料俗情  
應厭勸誰  
知幽意在空冥  
碧挑却似傳消息  
一曲瓊歌月  
滿庭

西天目

苔水之源出此山  
地如邾魯姑躋攀  
三池浚澤  
高岡上一勺為霖  
反掌間看脚不知  
蒼漢近無  
心直共白雲閑  
何時結屋拖泉玉  
滌盡塵根學  
大還

題朝陽洞中 東天目

一吸龍泉萬慮清更尋古洞入柴荆  
花落盡春無路獨許騎鸞上玉京

題至道宮雲巢軒 西天日

碧霄路底作生涯雲亦何曾定有家  
月印天池心宇淨水鳴環珮出松花

別天目

東尖森洞穴西日浚淵庭三日名為霽  
辟龍亦有靈立依松作蓋坐倚石為屏  
猶恨歸鞍急回頭望遠青

聞西山訃音

奪到斯人處天心亦杳冥嘉謀猶未罄  
直道信無靈四海方思雨中營忽隕星  
群賢知孰附客泪欲飄零

芍藥

雖殊桃李競年芳色相惟應付夢鄉  
綸閣曾看金縷艷蕊宮初試玉樓粧  
露凝深淺煙中淚日汎溫柔雨後香  
幸蜀歸來花正好可憐不忍看嬪媵

天女霜刀剪亦難露紅煙紫碧闌干步搖衣袂  
飄霞珮鈿合釵梁間寶冠枝上任他無力笑燈

前定何事情  
壯年

玉蝴蝶

春歸且化  
春歸且化  
春歸且化

小瓊花

小瓊花  
小瓊花  
小瓊花

合是孤根在  
天香散  
天香散

午寢

舊詩零亂  
槐園遠  
槐園遠

道間

一溪新綠  
麻正長  
麻正長

再觀錢湖

荒碑五丈  
天下滿  
天下滿

牆外竹



蘇，新竹吐牆弄，解餘誰分，雲字入詩家。  
窮相眼，可能不為此，石青。

題鶴林丈室周俞紫微韻

物我相忘付入還，坡詩偶來瓊館扣霞關。  
玉峯自有三生約，玉真世真同一夢，華表風清  
丹頂去，緱山月冷碧笙閑。當知象外機無息，肯  
羨黃金繫九環。歐詩

五到洞霄魚似冲妙

多謝名山不厭人，五來此地着閑身。  
泉聲帶雨驅煩暑，空翠縈風絕點塵。  
金鼎火能知應候，玉

壺花自古長春，何時許證三生約。  
乞借煙霞與卜隣。

楊蟠川鐵佛晉度會甲午冬

重陰九壘幾曾開，廣布陰功亦異哉。  
八景定中朝卜極，五雲深處步三台。  
煙曠綠字鸞初下，月照黃壇鶴未來。  
去地一珠如黍米，天人競湊鬱羅臺。

焯焯神光燭素屏，苔魂蒙度語堪聽。  
但知寶相皆非相，自證無形入有形。  
火煉赤鑪超上景，水流華沼蕩寒庭。  
功成試問誰能似，元子真人舊

典型

夜泊黃灣

移近黃灣泊短篷野雲垂地一溪風溜香吹散  
荷花雨幾點流螢出草叢

夜涼聽雨

暑雨沉沉夜正深涼欺客枕夢頻醒雖然未是  
秋時候滴在梧桐亦厭聽

西河柳

一把輕絲拂地垂柔梢淺綠抹燕脂絮花吹盡  
枝方長却恨春風未得知

三過岳虹

秋來三度過岳虹灑氣橫江水接空帆影輕浮  
千幅月漁竿冷侵一絲風楓初落葉前村近荷  
有餘香別浦通笑拍闌干天地濶鱸膾樽酒許  
誰同

滄浪

長史遺踪二百年直教名字到今傳渚香細泛  
蓮頂雨野色輕圍竹尾烟但得幽情闕水石何  
須隱迹滄林泉客中正有塵纓在來此清遊亦  
是緣

水次秋蚊可畏

利嘴似花鳥針膚不暫停有生何益一歲每在  
冥冥亂舞迷昏水喧聲接曉汀風威秋晚勁看  
汝易飄零

中秋日虎丘呈庾使東畎先生

蹇步接輜軒於山亦有緣劍鋒遺斷石閣影倒  
平田紫日穿林暝黃雲共野連清輝無看處月  
伴使呈圓

清夜

客身隨取止一室冷如水景遠吟何託情疏夢

不曾雨粘初蘚壁風謝欲花燈豈是無家者甘  
為有髮僧

客中雨思

細雨粘雲結晚愁黃金垂地菊錢流風來不覺  
窓聲戰分却羈懷一半秋

聞鶴

誰家嘹唳九皋聲客夢初回曉帳清華表不知  
仙路遠剛隨寒角轉殘更

秋夜即事

斷雨寒雲過暝窓落桐葉一是淒涼楚山不入

清言卷之四 寒食過桂州

對句

欲道三途負歸期 意亭河曾到 短離九辯不歌  
至今老清春 還許入 離詩

聞樓火 以下 蘇離抱來訪 玄菴挑燈  
細語 滿從忘 歸即事 有賦時 黃澹翁

在馬

客裏情懷不自如 夜深來訪子雲居 挑燈細按  
新翻曲譜 禁同看 借架書 結葉敲風 蛩砌冷菊  
香鋪 兩鶴定 虛相送 且與開眉笑 莫道吟邊酒

珠珠

雪

只消頃刻便漫 人亦求窺造化難 柳外情知  
非絮落梅 造誤作有花看 朱門合席持杯 煖紫  
塞分屯坐甲 寒慨想英雄 當此際 肯分事業與  
袁安

賡 庾使和 毛君玉送墨梅韻

東風吹上歲寒枝 筆下工夫頗涉奇 此操直應  
同晚節 有香亦合伴冰姿 淡於澗水籠蟾夜 清  
似疎蘿壓酒時 春在小牕 橫幅裏 胡美深意許

誰如

故人亦久已無家  
日對南樓日堂  
應自新得意  
是人間  
夫可知

感述

西望望望望  
長龍龍龍龍  
斗牛牛牛牛  
獨情有水

生公詩愛

有人棲在  
海之花  
言口雖  
誠誠言宗  
萬境俱空  
世有相愛  
寫意  
與夫入詩

寄陳藏一

萬人如海亦紛紛  
還看江湖有限身  
顯葉根深波影遠  
嚼花吟茗月痕新  
羨君朝市情俱薄  
笑我山林趣未真  
名勝搜羅能盡否  
細論何日許相親

送同暮劉正父召試

合是水壺冥霧  
不寒寒  
筆北封金  
鑿維云  
經世談何易  
談道安時事  
陳雜正  
凡心能回  
壞澄中  
流常與  
障任翻  
懸知  
此心  
且把清規  
作操者



簾前鳴玉響丁東清夢初迴鶴帳中早起半結  
飄一葉方知昨夜是秋風

風雨

入夏惟憂旱秋來却送雲風聲連海響山氣與  
雲深望歲丹心切愛時白髮侵旅中無別事隱  
几自長吟

禹廟

袞服嚴常祀平成萬世功圭璋藏道室弓劍莽  
幽宮石定釘音釘今猶在梅梁事莫窮幽尋須作計  
多恨兩匆匆

高園

入門雖較小中却是壺天委曲松篁送清新錦  
繡篇踏曾肯丘壑隨處是林泉更讀麓峯句風  
流似謫仙  
扁名俱不俗難得此規模一鏡荷香冷四圍  
茫茫燕沼寬魚自樂竹靜鷓同孤傲盡東州景何  
須作畫圖

夢前室

長夜幾年別傷哉千古心自因綠較淺不是老  
相侵熊夢如先兆鸞膠豈續琴曉窓秋葉響不

覺溪魚怨

西興寄呈 東坡先生

生平未始識東州不謂招邀得漫遊  
漫遊南鎮門前秦望曉西興浦口浙江秋  
風捲怒氣潮初落山湧青冥雨乍收  
豈知空臨市回首使星只在五雲頭

華谷集

嚴粲坦叔

玉溪雪夜

雪霽天夜白月上江空明飲散客就船  
萬籟沉三更誰家竹籬岸摸索疎枝橫  
不著色與香令我毛骨清醉魂乘沆瀣  
看舞婆羅城

獨往

一逕歷紆餘獨往未到處豈曰崑泉幽  
心閒即真趣蕭蕭松有聲依一花自開  
樵翁向我笑問我何從來

昭君怨

欲洗鉛華淨那須畫手工玉顏翻自誤  
不似舊圖中



送黃炳

未盡連床話，又語離襟期。無限事，書寄若為辭。昔別已十載，重逢還幾時。孤舟明夜月，何處照相思。

望彭蠡

萬壑氣交會，今知楚澤雄。水明纔辨樹，霧合忽迷空。遠浦沉初月，孤舟亂去鴻。闌干已愁思，漁唱入蘋風。

春晚

向來得意在烟霞，失脚黃塵負歲華。過却海棠渾不省，夢中猶自詠梅花。

秋入

秋入蘋風白浪生，痴雲未放楚天晴。青山湖外知何處，

中有斜陽一段明。

陽關圖

人人腸斷渭城歌，誰獨持竿面碧波。可是無情如木石，祇應此地別離多。

月夜與張輯論詩

涼露初長夜，纖雲淨盡時。幾人還對月，與客共論詩。苦思常難穩，閒題或更奇。不應跨未俗，準擬古人知。

自樂平閣視渡舟取道太陽渡宿地藏院

康山問民法，陽渡平地訟。竭來招提宿，疏峯結飛棟。研丹啟囊書，點勘自成諷。佛香觸深悟，僧茗來清供。陽顏嵐氣生，鴻沒天宇空。向來山中樂，忽忽豈其夢。

盤谷圖

聲利爭馳豪末間  
幾人能得健時閒  
不須展畫相撩弄  
昨夜秋風憶故山

見梅

絕憐生意上寒枝  
幾度巡簷錯恨遲  
數點疎花人未見  
窗間早被月明知

春歸

抵處連霄雨不休  
今朝晴景莫登樓  
杜鵑啼得春歸了  
風裏楊花點點愁

薦福寺

即戴叔倫故宅  
今號戴公堤

石徑秋痕苔蘚深  
誰將清氣潤脩林  
戴公堤上古時月

幾度涼霄照茗吟

招提遊二首

幽尋愜所適  
蘭若白石靜  
天籟鳴松壑  
古意滿苔徑  
清泉醒客心  
啼鳥喚僧定  
留連不能去  
翫月歸路永  
頰抱忽如遣  
僧境得清勝  
花發岩洞幽  
雲生窗戶冷  
來驟樹陰直  
歸棹川光暝  
遺思山蒼々  
半空聞夕磬

拾椽亭為黃炳賦

世上危機富貴身  
由來着意鬼神嗔  
到頭鍾鼎誰消得  
正要山中拾椽人

林和靖祠

白雲人已笑  
古屋自蒼苔  
林下誤疑雀  
水邊空見梅  
市

人携酒至歌女棹船回檢點幽樓處湖光似向來

元上人見訪

昔子青：佩重逢怪衲衣焚籠畱不住雲水靜相依習  
氣餘詩句枯禪墮佛機東湖自塵外還帶夕陽歸

憶張輯

畏景如焚客路塵寂寥山店獨吟身多情唯有別時月  
低傷茅簷巧趁人

宿石潭寺寄黃炳

昨夜湖心共泊船一天星露宿寒烟朝來極目無洲渚  
知採蘋花何處邊

畫梅蘭竹石

正憶吟窗占竹坡風烟觸眼奈愁何梅蘭只作從前瘦  
石上蒼苔別後多

春恨

馬上東風吹酒醒空將春恨到江亭飛香寂莫無尋處  
烟映晚山深淺青

廬陵黃炳築亭所居候山扁以赤松字自號赤  
松亭長之官鄂渚為賦詩

仙人遺世不曾愁似欲相刺汗漫遊亭長祇今閒未得  
南樓孤嘯望神州

霧中早行

行人糝糊畫中影高樹夭矯空際雲樓臺幾處半隱見

三島夢斷猶紛紜

秋思

風落葉間殘點雨月窺窗下不眠人秋清一片無誰領  
併作詩愁入鬢新

松雪

陰崖未知晴松雪自在白可恨晚風顛飛寒亂苔石

次韻宴坐畫圖

京塵倦來歸故山喜還壁淡交松桂在昔別猿崔憶晚  
知閒味深甘為幽討惑尚念身在山佳處恐未識看山  
須全境一覽盡目力伊誰有巨軸亭、掛空碧吾聞古  
靈匠能事略翰墨盤礴演濤初太素含黼飾妙手斡玄

微鍊此石五色天機一呈露真宰惜不得寫出萬古愁  
蒼茫思何極烟村帶遠市雲樹出峭壁有人間倚欄飛  
鳥亦自適俗間重小景局促無奇特五日十日畫大類  
宋楮刻誰會悠然心醉來眠對客

酴醾

東風暖迸龍蛇起麗日晴烘玉雪香可惜開時春向晚  
不教桃李見清芳

客裡

客裡何知度歲華春風香却一番花山行轉處聞雞犬  
楊柳陰、賣酒家

紀夢

烟島空濛一雀飛  
天風滿袖自吟詩  
覺來猶似非人世  
花影欄干月上時

送張輯遊宣城

君撫淵明底樣琴  
肯於絃上要知音  
相逢塵事不挂口  
別去清愁總上心  
聽雨夜林孤舊約  
看雲秋壑想幽尋  
他年跨雀相過否  
應笑浮名雪滿簪

道中見茶花

朝來露濕欲寒天  
誰賞幽芳古道邊  
風味十分留貢焙  
浮花正自不須妍

巧夕添丁

書來知有喜客夢  
應維能久作庭闈  
別遙知笑語同克

問非我願釣瀨是家風  
莫學天孫巧朱愚肖乃翁

琵琶洲

琵琶古愁猶淒清  
何年一抹橫烟汀  
人言隨波高下如  
浮萍神龜背負能亭  
不知水僊宮殿碧  
皎潔玉絃遙映雲錦  
屏胡沙萬里音塵絕  
獨與鸚鵡愁青冥  
天際歸舟認髻鬢  
江頭寒月傷伶仃  
悄然夜久天籟起  
往往恍惚遊百靈  
秋風嫋嫋兮水冷  
俗耳箏笛兮誰能聽  
我眼如耳、如鼻妙處  
不言心獨醒  
鈞天佳奏三千齡  
石鍾水樂遺林垌  
豈有寶器終漂零  
一朝跌蕩開天局  
帝命下取呵六丁  
陶梭共起變化隨  
雷霆古餘山色空青

池陽道中

脫葉舞風過別岸濕雲含雨上晴天  
脩途喜借晚涼得  
幽鳥一聲生翠烟

挽陳邵武

前輩聞如此今人見未多  
難將通介論不在語言科  
曾監開華近樵川借撫摩  
鄉評最期望一夢只南柯

夜投荒店戲成

喚起吹松火開門問帶嗔  
隨行曾有米同伴幾何人  
亂稗鋪添薦殘籬拾作薪  
夜寒難得酒煩扣隔山隣

被檄樂平至鳴溪渡有山與南豐軍山同名者  
余昔從嶺庵謝先生夢得遊先生于湖畏友也

豪於詩悅軍山之峭拔暢其吟懷自昭武徙家  
于市山築室曰西窗以朝夕對焉嘗命余記之  
余時從西窗樽酒論文為樂如是者十載今先  
生已矣感而賦詩

江西絕頂挿晴空此地山名偶自同  
喚起西窗十年夢  
一樽何處醉詩翁

重到地藏院

泥濘行良苦青山且眼前  
題詩如昨日倒指已三年  
僧榻寒霄雨漁村落照烟  
薄遊聊復爾終擬老林泉

寄張輯

不見吾張輯新詩何處吟  
身留江介遠秋入夜涼深  
燈

影還家夢蚤聲倦客心歸來及佳節細把菊花斟

建德縣梅山寺

公退逢長日清遊到寶坊山圍露天小徑遶引溪長苔  
壁晴雲濕松軒暑月涼鍾聲半歸路回首暮蒼蒼

叨第後日者自謂奇中索詩

兒時意氣謾騎鯨幾向欄杆袖手凭今日逢君成一笑  
却慙窗下讀書燈

風雨宿湖心

渺渺平湖四接天孤洲曾繫夜來船持鞭又逐風塵去  
却憶秋蓬聽雨眠

新晴

滑路愁騎馬晴天好放船水紋搖倒壁花影弄晴川夢  
寐驅馳在光陰少壯遷心期猶浩蕩搔首白鷗前

舟中夜雪

落帆侵夜色客思正悽風撼瀟湘覆雲連宇宙低洒  
篷吹乍急歌枕聽還迷懶墮無清興誰人訪剡溪

七夕

織巧逐時新誰將大雅陳天孫古機錦笑殺世間人

送戴式之

自小尋詩出江湖今白頭應嫌少陵讀不似子長遊風  
雨夜愁枕鶯花春醉樓吟邊消息好懷古問沙鷗

茅舍

村居遠城市獨木渡塘坳迸笋補籬竹落松添屋茅童  
歸携酒榼客至得鹽包隨分山中好低簷燕有巢

總田家

晝間田家總相呼隔短籬負薪整引犢挑菜跣携兒沙  
井和鰕汲村春夾稻炊老翁評貴糶觀縷舊年時

過江東

落花時節過江東濃綠山頭開小紅野店日長春寂  
柳陰搖颺酒旗風

騎牛圖

乃翁騎牛驢馱兒松間提挈群僮隨驢逢短橋兒回顧  
牛背推敲了不知

戲友人

今朝有清興無處覓詩人寺占房空鎖窗窺榻有塵尋  
芳知尚早報謁未應頻只在城中醉烟雲滿澹津

孤鴈

一鴈度岑寂流空音響哀雲沙天地濶霜雪羽毛摧力  
小知機早心危見影猜蘆洲迷處所飛遶正徘徊

蒙齋先生賦張通守佚老堂次韻

拂衣歸共白雲閒佚老堂中天地寬黃髮可教供鞅掌  
青山聊足對高寒杖藜行樂春風軟紙帳佳眠曉日團  
林下未應忘世事併煩寄語謝家安

菊



寒林色枯槁，繁籬菊鮮冷。艷無俗韻，孤芳弄秋妍。金  
晶與高潔，未覺陽和偏。豈無兒女花，誰能制頽年。

歐陽道士歸自臨安

洞穴雲生窗戶涼，道人宴坐但焚香。向來遊遍王侯第，  
還似山林意味長。

張輯馮去非話別

此夕真成別幽懷，欲誰梅花霜月曉。獨起詠君詩。

夜讀晉書

南來未省有良圖，可更清談傲五湖。撫卷興懷千載事，  
一窗風露夜檠孤。

午憩僧房

黃塵吹不到禪房，窗紙風翻葉。涼觸執行來，牽書夢  
孤蓬聽雨下瀟湘。

憶山中

山中桂香滿，無復向來遊。官事何時了，一年孤負秋  
即事

僧屋藏深塢，漁舟帶遠汀。誰教雙白鳥，來點暮山青。

野興

身閒歸未得，野興日偷然。抱磻無來吏，尋詩即散仙。盃  
明松罅月，塵引石根泉。有客知余意，清風三兩絃。

重九後五日遊齊山

官知縛辰酉，節物如相負。茲遊未覺晚，黃花落吾手。沒

鷗江自迴脫葉山新瘦淒涼千載心西風一搔首

湘中

千古懷沙恨淒涼何處論坐看宗國事安用一身存落  
葉西風岸孤舟半夜猿年、江月白為照獨醒魂

寓京城和曾左曹韻

日、思君君不知京塵染盡帶來衣客心正自傷漂泊  
更看湖邊花片飛

車馬聲中又日斜可堪芳草思天涯來時憶別山中桂  
今見長安梔子花

閒居

畫日門前草青青、不染塵生書方破卷幽鳥忽啼春失

意成高興多閒信懶身不須憂世事廊廟有經綸

觀北來倡優

見說中原極可哀更無飛鳥下蒿萊吾懷尚笑倡優拙  
欲喚新翻歌舞來

李賈携詩卷見訪賈與巖滄浪遊

石屏新卷裏曾見得君詩大冊煩來教平生慰夢思高  
標去塵遠古調少人知汝與吾宗好風騷更屬誰

新竹

樹頭不動天無風六月還當日正中唯有滿林新長竹  
別生涼意襲簾櫳

月

只道今宵月出透雲開不覺上多時夜深花影如清晝  
何處山頭一笛吹

二水聞角

少日鄉閭不解愁閒聽畫角起譙樓西風依舊闌干月  
獨自瀟湘萬里秋

軍行

野人自說老為農舊識戎裝紙畫中近日軍行渾見慣  
兒童嬉戲學刀弓

子陵灘

西風吹雨暮江寒想見當年獨把竿不是君王思故舊  
何人知有子陵灘

一榻從容話歲寒相忘共作布衣看雲臺諸子成何事  
萬古清風一釣竿

汎湖

四邊天共水漫漫身在鴻濛縹緲間忽見浮空青一抹  
舟中人說是湖山

慈湖墨竹

先生萬慮盡空時元氣渾淪可得窺還有發生消息在  
揮毫烟兩一枝  
戲筆偶然成此耳豈將造化論錙銖不知茂叔庭前草  
有此風烟一段無

未開梅

老樹天機早潛回一點春寒稍方蓓蕾瘦影已精神冷  
淡看前輩芳菲總後塵更須香共色未是監花人

客裡

客裡還來此寒燈耿獨吟一官江國夢十載草堂心未  
落秋聲小蛩孤夜思深驅馳空自許冉、鬢霜侵

戲詩友談僊

君期汗漫遊不敢問所適贈別亦何有當辦雀一隻還  
疑是凡羽不任載僊質乘烟寧假此聊以壯行色淹留  
非牽俗應未得良日空令施肩吾久待問詩律

秋懷

秋懷不到夢歷、數寒更坐得楚天白吟教湘水清殘

燈搖壁影片葉墜堦聲起看孤城霧人間事又生

初往清湘令寄馮深居去非

深居定何處無便寄聲頻舊別芝山月相思楚水春白  
雲生夢遠華髮折腰新料得今書到看題笑故人

上饒界首傷曾殊

故人曾此賦梅詩人共梅花一夢非欲喚青山話前事  
風西吹淚濕征衣

秋風

門與姑山對溪邊有故廬別來三徑菊開却一樓書水  
碓長腰米村船巨口魚秋風歸去好留滯意何如

戲友人

怪得詩情減一分知君為學有新聞塵中畢竟閒人少  
獨自開樽對白雲

早行

修程避晝炎中夜征夫起蟲聲荒郊迥犬吠衡門閉行  
行月色淡微霞露天際永懷高臥人幽夢繞蒼翠

西湖

何處春晴好西湖元已朝馬嘶堤上路船過柳陰橋敲  
竹雀聲起美泉花影搖坐看遊客盡烟水思迢迢

閏九

前月登高去猶嫌菊未黃秋風不相負特地再重陽

顏范祠堂

顏范新祠番水陽邦人來此識綱常海波瀕洞孤峯峭  
天宇清明一鳳翔英蹟重尋餘古帖高情猶想賦秋香  
姦諛骨朽今安在三歎前賢永不亡

張德慶挽詩

擢第家聲在通班宦路亨為親遲受邑未老謝專城活  
計詩書富歲寒梅竹清閒中將道眼醉夢笑功名  
九袞猶身健聯麾見子榮笏床歡節序鳩杖話平生世  
久傷零落吾猶及老成酸風吹苦淚一為典刑傾

調古

調古人能聽眉長世共妍家山夕陽外心事落鷗邊弟  
妹知何在風塵抵自怜孤燈照危坐不是少林禪

道傷木屏

路人攀折半成荒何似山中自在芳  
可耐西風相料理為誰消得許清香

示園丁

種竹宜疎延夜月澆花須蚤趁晨陰  
溪邊釣石勤時掃恐有詩人來醉吟

舟中夜酌別鄧均

共對船頭月通霄語未終鄉關幾歲別  
筆墨小時同江影高低樹秋聲斷續鴻  
相逢渾草草明日又西東

發清湘

歸棹將秋色三湘是勝遊灣回仍小嶼  
灘過盡平流臨

水聞僧磬隈岩隱釣舟江頭每佳處  
沽酒小夷猶花樹移方活丁寧莫損殘  
待逢春氣暖開與後人看酒任隨車載  
詩從就柱刊料應吟賞處說着種時難  
栽樹未花開其如行色催遙憐今歲雪  
誰看一庭梅餘俸刊詩卷歸程賣酒盃  
輕舟下灘穩鷗鷺不驚猜

繫舟

古岸人家少蒼莽此繫舟閨中今夜月  
江上晚風秋水縈寒夢雙鴻亂遠愁  
湘源知不惡吾意肯淹留

夜行舟

忽報風波息稍人倚柁看開船  
星斗轉吹笛水雲寒犬吠知村近  
烏啼覺夜闌兒童將白日敲火趁晨餐

道中

客思曉寒凝初陽樹外莽氣寒  
屋雪聲裂野池冰倦  
路行似遠思山隱未能僕夫  
愁過嶺是猶及高層

冬日同趙與孫別過雷園

地幽元在郭景好即為春和的回  
來者能問有幾人風  
池行墜葉晴陰走步塵  
於雨烟霞契交情淡更親

寄御均

題書對殘燭幾日到江濱  
故里經年別清秋此夜分

映兩風細慢移雲數  
雁聲初過知

任檢宜新圃

小斲烟苔地春生笑一  
間亭邀鄰圃樹臺拖  
隔城山幽

夢壺天曉清時莫府閒  
旋移花畫活客我醉來攀

岳麓寺

幾層攀石磴高寺白雲邊  
臺舊懷人古泉幽想  
崔嵬遠

汎湘浦樹莫角楚城烟  
長是登臨處滄洲意  
惘然

吟到湘江倚釣蓬  
秋風日望空濛  
偶來上到闌干處

却指孤城夕照中

次韻菊花山人沈莊  
可見過之作

借得山中集塵埃  
一半侵讀來知句好  
老去向誰吟  
高義先投刺  
忘懷肯抱琴  
第齊亦相約  
樽酒要同斟

重過雷園

靜處人來少  
澗扉本不關  
定叢淒古徑  
落日思空山  
倚

華  
集  
樹吟情遠臨池立影閒晚林看更好一抹冷烟迷

湘川

分  
幾斗乍逢如未識相問  
淒狀月  
色秋看  
聲夜聽圓醉來共鄉語不覺是湘川

兵火後還里

十載青山幾戰塵還家何處訪親情兒時巷陌今難認  
却問新移來住人

宿澤心

自從孤棹背鄉關幾度麻姑夢裡山此地不知何洞府  
石間松石水潺湲

夜發湘城

西風吹客衣一舸載書歸肯為身謀便而令心事違艤  
聲江月碎人影水烟微漸覺寒城遠沉沉擊柝稀

雪梅

報道梅邊雪未休披衣晨起上簾鉤孤根清健元如許  
空為花寒一夜愁

定玉臺觀雪

清晨吟思獨憑欄十二樓中白玉寒此地古來風雪裏  
有人惆悵望長安



樹吟情遠臨池立影閒晚林看更好一抹冷烟還

湘川

分  
幾年乍逢如未識相問  
淒狀月  
色秋看  
聲夜聽圓醉來共鄉語不覺是湘川

兵火後還里

十載青山幾戰塵還家何處訪親情兒時巷陌今難認  
却問新移來住人

宿澤心

自從孤棹背鄉關幾度麻姑夢裡山此地不知何洞府  
石間松石水潺湲

夜發湘城

向來世法長如海不測然分亦云多此但五公推

西風吹客衣一舸載書歸肯為身謀便而令心事違艤  
聲江月碎人影水烟微漸覺寒城遠沉沉擊柝稀

雪梅

報道梅邊雪未休披衣晨起上簾鉤孤根清健元如計  
空為花寒一夜愁

定王臺觀雪

清晨吟思獨憑欄十二樓中白玉寒此地古來風雪裏  
有人惆悵望長安

樂齋

顏巷當年事同門自少知誰言公子貴心與古人期望  
柳尋花意吟風弄月時人琴無處問空想考亭詩

琴

孤松風下秋絃清湘江港、湘山青一聲吹入天冥冥  
何處白雀飛來聽

菊

秋籬霜露寒獨立爾良難不作過時恨從教耐久看風  
流沾臘蘂臭味憶騷蘭孤淡逢心賞幽香故未闌

大虎頭灘

聞說前灘大虎頭行人愁絕欲回舟世間多有虛名誤

不見錢塘海逆流

過回雁

南來知

到清湘

客裏今年月相逢九處圖行窮湘水際愁到雲邊屋  
內燈明路祿間瓦見天州城何處是 指隔山烟

旋摘盆柑

金凡手自摘色味香三絕從來天者全風韻迥然別

參蒙齋先生

陋巷顏號庶幾更無言說最精微何人參了

蒙泉詩稿

臨川李濤養源

南山

南山思美人也彼美人兮在南山之陽豈不爾思道阻且長彼美人兮在南山之側我不見兮寤寐思服彼美人兮悠々我思何以予之瓊瑰玉珮

南山三章、四句

登高丘而望遠海

登高丘望遠海萬里長城今何在坐使神州竟陸沉夷甫諸人合祖醢望遠海登高丘知我者謂我心憂不知我者謂我何求歸杪蓬萊漱弱水大觀宇宙真蜉蝣

維  
維  
一  
年  
日  
送

讀阮籍詠懷十七首

人生天地間如花開春時遇晴即欣榮遇雨即離披晴  
雨由上蒼汝花何悲為顯允阮嗣宗放達世所推憂思  
獨傷心作為十七詩感慨懷辛酸似未達天理既好王  
子喬又惡輕薄子善、又惡、好生而惡死如何得微  
稱口不挂臧否

處事

處事無心萬象春任渠逆境自橫陳籠中無療家貧藥  
門外有催詩債人酒盞濶踈瓶久卧文書散亂按多塵  
生前富貴非吾願肯學痴人問大鈞

詩社中有赴補者

有詩千首可成名萬戶侯封亦可輕自是高標凌富貴  
昔隨餘子逐恩榮君遊璧水甘芳餌僕為銓衡上玉京  
水鏡蘭坡各求第詩盟似未十分清

新年開義館教族屬子姪作詩勉之

日與聖賢居其中樂有餘但存三寸舌讀盡五車書學  
問勝金壁功名特土苴先當分義利毋作小人儒

蘭坡過省

俯隨韁鎖就神名可笑蘭坡未苦清不管北山怨猿雀  
竟從南海掣鰲鯨賞延于世愧在我思濟斯民同此情  
軒冕倘來 則受未來猶可以詩鳴

詩友作涉江采芙蓉觸撥鄒思亦成一首

擬來

涉江采芙蓉，江水流我衣。屬緇不離，將以遺所思。所思不我見，持此將安歸。野花生邊，安如泉好。終吳還此物，何足款，但傷愛者稀。

春書回文一首

茶餅嚼時香透齒，水瀉時寒若凝烟。試問看猶慵起，極困新晴乍雨天。

贈染花徐仲湘

頃刻花開奕葉光，花間奇字兆炎祥。神仙幻術從來有，昔日藉湘今仲湘。

雜詩十首，今取其四

浦：東沅水赴海無歸則亭，右轉日今茲復來茲。人

生寄天地百年七十稀，思慮復營，恐為達者嗤。

燕雀賀厦屋，虫蟻慕腥羶。野花引飛蝶，古木來嘶蟬。秋天百虫吟，春天百禽喧。翟公其閣事，喜愠見色言。

明主不棄士，我自志山林。爵服豈無華，才疎力難任。鳥向深山棲，魚由深淵沉。吾亦愛吾廬，高歌復微吟。

深岩有老翁，龐眉須鬢雪。夜半呼我名，授我微妙訣。字畫古籀樣，體勢訛復闕。假昨忽炯，須臾竟披閱。至今得其傳，心會口難說。

琴書

琴書隨分足，生涯只灌園。畦亦自佳，行狀是劉蕡。苑門風似杜少陵，家添詩人瘦。因中酒解，睡麤園。只上茶無

事出門覓詩料巡簷指點數梅花

寄范稅院倚衡在興西堂令學

清敏當年宰寶唐至今遺愛在甘棠稅苗有例分三等  
吏卒無因下六鄉時異事殊民尚憶人亡政息事堪傷  
如今白紙重催吏也坐先生對越堂

次韻平楚王子厚登相山不及相過

兒童傳好語王子去求仙我住亦只逾君胡不惠然相望  
百里外一別五年前會聚渾閒事鷺鷥盟要堅

題袁恭父神心精舍

川城郭同一形 市鴉鵲同一聲吾身本自備萬物  
何有非吾身此心虛徹公則明事至能應物能名

市一仙市人

君不見神心精舍袁主人叱咤風雷呵鬼神

僧本均乞蒙泉稿均號侑然

近聞甘子說僧裡有侑然詩學貫休體心恭馬祖禪箇  
中真有得名下豈虛傳索我蒙泉稿因風寄此篇

題江王章甫梅境

僊伯當年學植梅當今 天子題品來梅花是我丈人  
行見梅不賦梅應吟王君結廬在梅境日與梅兄相追  
陪吟詩些起逋仙魂索笑醉銜工部盃吾聞梅乃萬木  
母桃為奴婢李輿臺一陽生子萬物始梅花獨仙群卉  
開一陰生午萬物成梅寔獨先羣鶴胎華寔先天不  
違梅之時義大矣哉紛餘不知本祇說百花頭上魁

事出門覓詩料巡簪指點數梅花

寄范稅院倚軒在興西堂金翠

清敏當年宰寶唐至今遺愛在甘棠稅由有例分三等  
吏卒無因下六鄉時異事殊民尚憶人亡政息事堪傷  
如今白紙重催吏也坐先生對越堂

次韻平楚王子厚登相山不及相過

兒童傳好語王子去求仙我住亦只邇君胡不惠然相望  
百里外一別五年前會聚渾閒事鷺鷥盟要堅

題袁恭父神心精舍

山川城郭同一形 市鴉鵲同一聲吾身本自備萬物  
萬物何有非吾身此心虛徹公則明事至能應物能名

君不見神心精舍袁主人叱咤風雷呵鬼神

僧本均乞蒙泉稿均號脩然

近聞甘子說僧裡有脩然詩學貫休體心恭馬祖禪箇  
中真有得名下豈虛傳索我蒙泉稿因風寄此篇

題江王章甫梅境

僊伯當年學植梅當今 天子題品來梅花是我丈人  
行見梅不賦梅應吟王君結廬在梅境日與梅兄相追  
陪吟詩些起逋仙魂索笑醉銜工部盃吾聞梅乃萬木  
母桃為奴婢李輿臺一陽生子萬物始梅花獨仙群卉  
開一陰生午萬物成梅寔獨先羣蕊胎華寔先天不  
違梅之時義大矣哉紛餘不知本祇說百花頭上魁

此語聞之梅亭翁錄以贈君之勿推

為唐壽長老文傑說高溪偈

隔江招手見高亭來謁高溪聽水聲  
縱是遠公今不出也須強起送淵明

為能仁長老本翁說無學偈

十二時中六不收了然無事一為頭  
禪河既寂無由浪此岫已離那用舟  
塵世榮枯真幻夢涅槃生死是浮漚  
要知無學用工處十二時中六不收

三月十六日西湖間杜鵑

纔上蘇堤聞杜鵑杜鵑怪我在天邊  
平生不作功名想今日胡為富貴牽  
辟穀未能那廢食買山所欲尚無錢

但須兩事略如意便占白雲深處眠

訪林龍發

車馬喧闐桃李村誰人復識老梅尊  
時中只有梅亭姪來訪西湖處士孫

丁未清州後言寄王叔



看雲小集

盱江 黃文雷 希聲

詩以唐體為工清麗婉約自有佳處或者乃病格  
力之浸卑

南塘先生為宜稍抑所長而兼進其短斯殆名言  
若僕者江西人才分既以禍迫生世不諧思致窮  
苦雖知其然而未之能變也 芸居見索倒篋出  
之料簡僅止此自昭君曲而上益嘗經先生印正  
云

讀史感興

人為五行精二氣相循環陽明發天秀隱約超龍蟠如

何叔蘭芳苦巨蕭艾繁良玉必火浴利又因崖利大釣  
雖無根嶽降亦甚難

空山有大木琅玕葉數艘未至更誰落豈復潤朽株東  
西四百載天明拱黃圖哀李杜死諸賢亦淪胥蜀  
反初燃大厦終難扶長懷追爽鳩誰復來此居  
典午固薄德南風扇群污癡兒各翻覆血刃起相屠老  
難作人語海上生羊魚山東二百州白日棲群胡更擅  
年代是文皇受乾符泰少否則長豈亦天意歎  
斷鬣幾何年八極儼不動當是有樞紐鉄網落緘空偷  
兕睨丰柄赤手掣天棟愁殺地上人覆壓萬古痛書生  
見事淺十算九不中豈徒書生罪要與六籍共

子胡譏神仙人輕薄俗軒冕既非柴刀踞况多辱惟  
能小萬物是以超五欲栖瓊得輕安鏤玉記華馥一詠  
太始音靈芝悟前夙小謫未可道裁書繫霍足  
仙栖固多名世但知蓬萊九州復九州廣大莫可該翩  
翩放霍童巧笑如嬰孩授我紫玄章歸路玉笛哀蒼寒  
不可覓但有清風來偏仄寧久居浮生多塵埃

和陶

志士方進身恨不以羽飛束縛歸山岡竟為人所悲白  
楊夜蕭蕭顧此何足依百歲會有盡智愚同所歸奈此  
後之人未老形已衰有酒不暇飲而恐心事違  
林表有宿霽谷鳥相啾喧聒此心煩勞放意西南偏天

氣絕未往白雲生  
隙山欲訪雲間人  
雨至或未還撥灰  
書且住首肯心中言

黃河一再清似是上古時  
風雅久已降後來無文辭  
清風日淪落世道皆如茲  
工華不工實此語我新疑  
文章有心印昔人端不欺  
但恨智者少吾亦少卑之

上有碧松林下有白石道  
中有學仙人自號古松老  
蛇身千載餘坐息如木槁  
面目剝嚴冷但道空虛好  
袖出天甲書意色輕鴻寶  
此老誠可人吾欲從師表

牧牛上陽坡角掛上下經  
吳童歌且謠肯趣皆渾成  
東西兩山間飽見日月更  
歸來松陰涼夕陽滿前庭  
黃葉從風翻蕭琴草際鳴  
再拜謝天公賦此小人情

### 長歌行

君不見遊塵着空生九州人  
其中間懸兩眸楊花化萍  
無根蒂風消水長東西流  
江南下濕人易老過盡歲年  
還草長留白日照人間  
榆柳浮生長枯槁毬紋帶遠  
千花黃青娥攢眉細長莫言一尊  
千萬壽乃翁身命屬渠手  
長安城中鬼笑人水底紙錢  
能不朽今人不見古人心  
古人不見今人事天上若無  
長生人即是古人都盡死  
金鳧銀雁滿江湖神光夜  
開黃壚年經月緯三百卷  
平生欲作何人書古人去  
留不得我些古人不識  
三太息今人莫說山石字  
更後十年人不識

觀化

屋角有蜘蛛結網大如箕有來者晴虹飛。墮其圈嗟  
汝水之生爬沙自足嬉忽然凌空避蜂蠆避路馳一朝  
嬰禍罹羽翼安所施蜘蛛雖未出狼狽已可期我欲救  
起汝正坐手足疲噫吁噫悲弗悲蜘蛛亦有黃雀隨百  
蟲相殘人不管人兮食人天豈知

歲晚歸自臨川

半世生群盜窮年見亂離出門偏念母扶策欲干誰雪  
重人踪絕山寒火氣低平時來往地滿日盡憂疑

無恙

北去初無恙傳疑路不通戈鋌亭障密榜牘訓辭工落  
日鳥飛急空山花自紅若為能詛盜桑已斗星中

題醉僧圖

僧之飲酒地獄咫尺此僧飲酒天龍辟易僧之飲酒背  
面抵諱此僧飲酒口角感沸披毛帶角即不理倒墜  
路而已矣一生般若幾杯湯箇是逃禪真法子不憂兜  
率不着渠只憂兜率無酒沽臨行自謗不羞耻至今留  
與人畫圖畫圖得龍眠畫形無畫意君看阿堵中如如  
元不死是卧是死誰得知手中尚記携鷄夷翻河倒海  
不救渴安得餘瀝流於斯我觀此僧面孔真滑稽醉中  
定解草聖并賦詩當其幕天席地時惜無人以筆墨隨  
紛、敬聖今何為賴有一醉留其奇君不見夜雨閉門  
難學柳下惠又不見背水置陣古來惟有韓將軍

救起一本起

屋角有蜘蛛結網大如箕有來者蜻蜓飛。墮其圍嗟  
汝水之生爬沙自足嬉忽然凌空避蜂蠆避路馳一朝  
嬰禍罹羽翼安所施蜘蛛雖未出狼狽已可期我欲救  
起汝正坐手足疲噫吁噫悲弗悲蜘蛛亦有黃雀隨百  
蟲相殘人不管人兮食人天豈知

歲晚歸自臨川

半世生群盜窮年見亂離出門偏念母扶策欲干誰雪  
重人踪絕山寒火氣低平時來往地滿日盡憂疑

無恙

北去初無恙傳疑路不通戈鋌亭障密榜牘訓辭工落  
日鳥飛急空山花自紅若為能詛盜桑已斗星中

題醉僧圖

僧之飲酒地獄咫尺此僧飲酒天龍辟易僧之飲酒背  
面抵諱此僧飲酒口角感涕披毛帶角即不理倒偈卧  
路而已矣一生般若幾杯湯箇是逃禪真法子不憂兜  
率不着渠只憂兜率無酒沽臨行自謗不羞耻至今留  
與人畫圖畫圖得龍眠畫形魚畫意君看阿堵中如如  
元不死是卧是死誰得知手中尚記携鷓夷翻河倒海  
不救渴安得餘瀝流於斯我觀此僧面孔真滑稽醉中  
定解草聖并賦詩當其幕天席地時惜無人以筆墨隨  
紛、敬聖今何為賴有一醉留其奇君不見夜雨閉門  
難學柳下惠又不見背水置陣古來惟有韓將軍

南紀

南紀靈王澤涵濡已百年故應蓬小如何得怨蒼天舊  
觀寧無日浮生自可憐永懷千古事感慨淚漣漣

南豐道中

此縣聞天下披圖且萬家螭頭餘佛屋鹿角卧江沙好  
與蘇凋瘵誰令息嘆嗟春風多少意殘竹映松花  
此亦勸農者畬田半入雲龍蛇因爾雜玉石故難分天  
地其如數江南未返魂茅茨倦行李何自戒重門  
此路通南國于今人少行遺民依廟住曠野用鋤耕古  
木刀痕熟空山鬼火驚猶聞宿師處倉猝又招兵  
想見承平日茲為富庶鄉門庭存位置井臼隔垣墻草

市宜區種空却又夕陽誰敢真致此盜賊已天亡  
大村三伯輩同此就天誅銳欲取禾耳那知暴骨身雲  
疑鵝鵠陣風想虎狼都掩骼行春令毋令長媚狐

曉行

一水來不極兩山青欲連夜雨漲初漲晚雲路難緣此  
寧有人跡四顧風竹喧渡橋復何歸倚崖桃初然

晚立

獨將得荒蹊晚意與心會水聲遠絕聞山色靜可對鳥  
語林塘遠犬吠籬落外柴門未須閉月在東峯皆

古石 長沙郡齋

鼎鑪懸前石參差類虎螭秋時鮮可剥歲晏竹相宜要

雜賦選一本

自山川出那知陵谷移摩挲群玉瘦風助馬王悲

石頭懷古

長江日浩：跋予望淮南禹畫足廣輪王氣分微函朝  
市一以建蟠踞誠匪慙中墜胡塵悲六龍此停驂衣冠  
幸有地喙息賴未殲豈惟時賢力要是天險參頗聞京  
洛墟不救狐兔餽厭還故有道往悔寧非貪前登石頭  
路得共北客譚新秋帶歸鴻落日隨征帆弔古意未厭  
鼓鍾已齷

金陵即事

東菴遺像宿塵埃追想雞聲午夢回只與鍾山增九鼎  
當時何似早歸來

千年陳迹故難尋向北山根識定林丘壑獨來差可意  
斷無人影古松陰

唐晉諸人骨已磨龍蟠虎踞自山河可憐不共羊曇見  
奈此秦淮落照何

王謝風流自一時長千古巷記烏衣尋常百姓幾番換  
那有當年燕子飛

西域圖

大哉天地間品類不可齊誰為好事人貌此縣度西松  
花瑣碎沙草肥是開可牧羊千蹄可憐群鹿正走險或  
尔剥割衣其皮啜湏樹樺尚有理穴顛插齒吁何為吾  
聞中原全盛時重譯解繅朝京師懷方象胥飭乃事幻

人詭伎何能竒煌煌烈祖鑒古作玉斧畫地分華夷羗  
渾何者宅紫洛熒熒異類方紛披或為盤飴孫或為天  
狼妻冠帶之國畫狐兒玉門萬里那得知還君此畫觀  
涕淚願賦周官王會詩

二橋圖

翔龍下卷江東土孫郎初得橋家女橋家本自重曹瞞  
隻雞斗酒空酸楚於情正用留阿瑜尚得人前稱肺腑  
百年王氣竟銷沉妙寫丹青嬌欲語香閨榻管寄何書  
並蒂芙蓉按花譜那知不是未嫁時本末無從勘彤史  
詞人多事管閒愁銅雀紛紜底歌舞儘強被髮向黃鑪  
只與東阿傳洛浦

昭君行

自石季倫始賦昭君曲以後作者浸多不容  
措手每恨公襲之誤作漢初和親意著詠非  
也又按竟寧元年呼韓邪既壻漢氏其年五  
月宮車晏駕矣因併採之不惟祛詞人之失  
亦以解昭君於地下云

君不見未央前殿羅九賓漢皇南面呼韓臣無人作歌  
繼大雅至今遺恨悲昭君內殿春閑闕馮傳掖庭新花  
隔烟霧粟姚枉奪燕支山玉顏竟上毡車去人生流落  
那得知不應畫史嫵娥眉痴心只恐琵琶語歸夢空隨  
鴻鴈飛穹廬隨分薄梳洗世間禍福還相倚上流厭人



時

能幾時後來燕啄皇孫死野狐落中  
高臺傾宮人斜邊  
曲疇平千秋萬歲  
如此誰似青塚年  
青

次黃存之東泉韻

藝木東皋下新榮  
冒水涯錦機分箔  
開青子亞枝斜  
犢角初生笋龍須  
正引瓜汲清雙玉  
井留容品嘗茶  
抱膝東皋下春風  
又草廬海仙將可  
見溪友未宜疎  
楷著祈年疏閒爰  
種樹書西山類烟  
雨容易長嘉蔬  
負耒東皋下溝塍  
福林分汗即爭一  
溉臺笠事重耘  
幽雅春稱壽秦謳  
歲勞勩無功虛作  
傳農績未如君  
扶冊東皋下從人  
笑未玄傳真袂馬  
帖參透牧牛篇  
列岫窻前月平湖  
塢外烟似蒙稽古  
力鍾鼎豈其然

冬郊

冬郊見初晴  
室林夕陽軟  
歸牛無人驅  
欲涉行轉緩  
新稿明屋山  
失喜鵲爭喚  
絕勝門外人  
流冗及歲亂

楚語歲晏

為亂

送故

履霜著餘悲  
送故或古風  
幸會草木長  
土脉驗隱隆  
共惟青鳥仙  
倘亦知吾窮  
落日起秀色  
軍峰在雲中

上天池寺

蟠際均衡嶽  
千峯獨出群  
鯤鵬從水擊  
翼軫驗天文  
曠野風行雨  
曾雷日貫雲  
僧言興廢事  
因念福王勲  
始從平地望  
宛在九霄中  
不意身能到  
平生心併空  
江

淮通好雨日月會剛風三伏涼如水蟠拏想白龍  
今古無窮恨山林只自蒙雲行地欲盡風在天相高靈  
草如棋餉浮生計可逃人間何處、萬里一秋也

往年因讀岳王傳嘗為之賦今過東林暗其遺  
像感而申頌之

將軍英爽冠人豪眼底山河累寶刀青女護香天亦悞  
黑龍飲渭數何逃當時僧說松楸犯今日人推闕閱高  
珍重王孫方岳貴莫將敵舞替征袍  
欲壞長城豈自由江人重唱白符鳩重天富貴還須盡  
從古忠良類若仇獄吏但能書牘背相公終欲割鴻溝  
書生志念閒無用長想朱雲地下游

### 近報

入春風雨惡情懷談柄誰資近報來比歲時聞通國信  
新年又說建行臺難言鐵冶飛灰燼易見銅駝出草萊  
羨筦夜吹梅落盡倚牆撩亂野花開  
青、塞草始知春又見平林棗賴賴地起天津流柱矢  
鳥飛淮甸覆行塵漆城安堵寧辭蔭石馬雷溝會有神  
千古睢陽無處覓不知滅臂是何人

### 玉壺卽事

雨過條風着柳芽淡黃淺綠嫩如花陂湖漾、初侵路  
蜂燕紛、各埋家帶郭園林仙苑近送春船舫綉簾遮  
芸牕倦倚何山岸暖窗輕籠日脚斜

自古詩人，幾多得太平。方寸靈臺，幾多事，幾多去。人何似，  
外之，物來大自，莫風雨南山，飛雲去，江湖北，十掛，蘭干  
要知，天命真，道，清心，神，似，亦，歸。

次陳剛入

我居深山中，細味未及，高，靜，日，湖，海，得，此，壁，一，聯，山  
山，立，古，夫，民，期，君，能，拍，肩，范，守，宙，心，楚，東南，賢  
讀，書，知，姓，名，心，死，非，說，成，昭，回，不，在，小，中，天，揭，兩，柄，空  
山，三，木，樹，綠，滿，風，雨，徑，歲，寒，毋，忘，我，細，意，匡，山，詠  
吟，華，野，春，我，友，二，三，子，歸，山，睡，初，足，潤，壑，秋，風，起，一  
雜，無，書，香，黃，公，繞，書，几，別，吟，極，萬，永，形，魂，清，九，耳

挽程孺人 汪起鵬

有婦遵彤管，無嫌各紫樞。清心能啟悟，雅性謝驕舒。奉  
誥劇驚彩，傳經囑鳳雛。妙年仙格，迅瓊瑛，不勝書。

丁未三月廿日 較

文瑞 殘

橘潭詩藁

春寒

錢塘何應龍子翔

博山重畫屏，  
斑羅帶同心。  
不忍看，  
莫近欄杆聽花雨。  
樓高無處著春寒。

客懷

客懷處，  
不宜秋。  
秋到桐梧，  
動客愁。  
想得故人無字到，  
雁聲遠過夕陽樓。

寫情

灑淚題春墨，  
暈乾東風血。  
便寄即難青，  
箱再展雲牋看。  
盡却相思字，  
不定。

寄胡雪江

借得官亭小似船  
六橋風月友三賢  
芙蓉未發荷花老  
一點詩情若箇邊

旅中示同輩

與君同出已多時  
賢盡黃金盡不疑  
只待春江烟浪暖  
小舟先起白鷗歸

清曉

清曉輕傳一信風  
花添紅粉草添茸  
畫樓十二欄干曲  
春在珠簾第幾重

筭

泥中莫怪出頭遲  
歷盡冰霜祇自知  
昨夜震雷轟渭水

請君來此化龍枝

過垂虹

垂虹橋下水連天  
一帶青山落照邊  
三十六陂煙浦冷  
鷺鷥飛上釣漁船

吳蠶

正是吳蠶出火時  
交窗一禽啼溪西  
有葉高難採  
遙見青裙上竹梯

效香奩體

雲幙重、雨未收  
嫩寒先到玉簾鉤  
一杯晚酒無人共  
羞帶雙花下小樓

木犀

露粟藏金一半開，層層碧玉映樓臺。西風昨夜吹香過，人在欄干待月來。

夏日即事

野土生烟草樹焦，彤彤日脚火雲燒。池邊自拗青荷葉，分付山童蓋藥苗。

題駱秀才葺故廬疏

家在西湖合澗橋，短籬圍得數椽茅。歸來頗費支撐力，羞見春風燕子巢。

有別

樓上佳人唱渭城，樓前楊柳識離情。一聲未是難聽處，最是難聽第四聲。

春詞

玉纖輕揭綉簾開，行到花前淚滿腮。正爾春心無處託，一雙蝴蝶忽飛來。

有所思

曾倚空屏唱柳枝，一聲嬌逐暮雲低。重來只見流鶯在，立盡斜陽不肯啼。

小園

地占方丈大，寬已栽花木。四時看客來，莫笑生涯薄。窗外新添竹數竿。

為客

初秋為客暮秋歸，一擔輕囊半是詩。試問客情何處惡。

五更孤店酒醒時

東風

和徽詩篇得暫閒  
落梅香更立  
欄干新裁白紵春衫薄  
猶怯東風一陣寒

有所見

不著畫羅金縷衣  
尋常打扮最相宜  
春風燕子樓前過  
飄落梨花雪一枝

曉窗

桃花落盡李花殘  
女伴相期看牡丹  
二十四番花信後  
曉窗猶帶幾分寒

居家

居家到底勝居官  
啼鳥聲中晝掩關  
待得小園花落盡  
更須移酒對青山

採蓮曲

採蓮時節嫩勻粧  
日到波心撥棹忙  
莫向荷花深處去  
荷花深處有鴛鴦

盆中四時木犀

一樹婆娑月裡栽  
是誰移種下天來  
金英恰似清霄月  
一度圓時一度開

相思

二月春風楊柳青  
聞郎繫馬到長亭  
相思情味如中酒  
折盡梨花嗅不醒

江上有感

江上秋深客未歸  
荻花楓葉兩依依  
傷心最是長橋路  
落日西風一雁飛

見梅

雲遠前村水遠村  
空谷有佳人  
天寒日暮吹香去  
畫是冰霜不是春

舟中偶成

黃鸝招呼急  
下舫天則僅可過  
涵山騰一枕  
梅花夢猶在寒窗紙牋間

題臨安院樓

過了燒燈望燕歸  
表寒剗地勒芳期  
杏花深巷無人賣

細雨空簾晝日垂

粉蝶

宿粉棲香樂最深  
軒依芳草避春禽  
晚來風起還無定  
舞入梨花何處尋

活計

三間茅屋蓋頭除  
却吟篇事無擬  
把十年窮活計  
一時傾倒向江湖

無愁

世間唯我最無愁  
十是無愁得自由  
午睡覺來列半菴  
一池春水看魚遊

春陰



客雨沈酥入翠苔春陰日、銀樓空女郎未有尋芳約  
辜負櫻桃一半開

老翁

八十昂藏一老翁得錢長是醉春風杏花村酒家、好  
莫向橋邊問牧童

清明

踏歌搥鼓近清明小雨霏、欲弄晴喚起十年心上事  
春風樓下賣花聲

杜鵑

君若思歸可便歸故鄉祇在錦江西不知何事畱君住  
却向空山日夜啼

贈友人

我向詩中為活計君於酒裏作生涯世間樂事惟詩酒  
各自風流占一家

簾

半窳香波護曲欄  
縵花紅映玉鈎閒  
曉來幾陣輕風過  
時見溪南卷畫山

碧桃

玉僊同駕玉鸞飛  
天上曾攀帶露枝  
一片不知何處落  
曉來流到湧金池

芍藥

金縷絲頭茜染成  
五雲樓映玉盤傾  
謝郎一入中書後

二十四橋空月明

傷春

荷葉初浮水上錢柳花飄盡岸頭綿不知春色歸何處  
欲向空山問杜鵑

效無題體

玉釵風斷扇雲深砌冷簾空月易沉流水落花無處問  
一年春事一年心

甫齋小集

臘月十九夜後沈惟肖初  
客以新布至清商滿素綃眼青寒月夜冷白曉霜天  
折聲倚柱立青崖悲瀑懸回靈聲響若欲靈脉  
入龍泉

頃



此頁一本有寫在甫齋小集之前

驚起松梢睡雀鳴

二十四橋空月明

傷春

荷葉初浮水上錢  
柳花飄盡岸頭綿  
不知春色歸何處  
欲向空山問杜鵑

效無題體

玉釵風斷扇雲深  
砌冷簾空月易沉  
流水落花無處問  
一年春事一年心

庸齋小集

龍泉沈說惟肖

立秋

昨日午時秋西風  
夜轉頭吹來溪外雨  
藏却樹間樓  
帶棲鴉色涼催客  
燕愁一樽吟未了  
衰鬢蚤颯

仁福道中

山徑少曾平人煙  
隔隴青淺流分石  
渡低樹礙興行  
稅籍全編戶村童  
半壯丁我來官此  
邑三度究民情

偶成

讀罷黃庭一卷經  
磬殘煙冷夜壇清  
月明何處人開戶  
驚起松梢睡雀鳴

文瑞樓

手  
寫  
卷  
之  
一  
第  
一  
頁

文瑞樓

卷之

征途

桂筦三千里征人一寸心自從登驛路幾見換鄉音古  
樹春陰薄寒塘野水深渴行呼得酒瓦椀不辭斟

暮春

燕翼初乾綠滿池桑陰收盡麥黃時一年春事又成夢  
幾日愁懷欲廢詩料理病身嘗藥遍揩摩睡眼看書遲  
脩然獨倚闌干立花下狸奴臥弄兒

紙衾三首

碎搥霜藤月下砧清泉瀉出簾紋勻老翁採藥歸來晚  
剪得山南半段雲

繭面新乾帶露揉春回斗帳伴吟愁殘年已辨蒙頭過

風雪從教打成樓

一幅新裁碧湘水野人畱客宿雲層山房恰好松醪熟  
夜半無眠話葛藤

春詞

水漲寒溝柳又陰小窗風度一聲禽若將離緒繫春事  
片、飛花是客心

送何稚院之官金陵

分司陪宰掾賜勅帶朝銜見說成行李無因別去帆秋  
風石城路夜月雨花巖料有驚人句鴻邊寄短函

溪樓

心遠俗塵隔樓高野興多稻花黃雀兩山影白鷗波灘

澁推舡上橋危挽客過日斜欄倚遍無句奈愁何

寄張永堂

浙江風浪濶夢不落吟邊書到知何日君歸想隔年才  
高朝士重命拙故人憐蚤辦山中計吾今者俗緣

烟浦

烟浦殘霞舞夕陽風枝病葉似初霜眼中秋色十分淨  
沙外寒流一綫長溪女得魚烹碎白田家收穀晒新黃  
偶尋野趣歸來晚草際螢飛點點光

渠流

岸石濕黏萍一渠流水清每來疑雨過少立見魚行樹  
隔炎敲遠橋分午影平生入契幽事客到出相迎

安石嶺

茅屋雞聲勘夜分杖藜挑月帶餘暝不知身在孤峯頂  
回首人家盡白雲

縉雲道中

去作京華客離家此月前問程恰中道數日近殘年山  
雨易成雪村雲疑是烟僕行愁不進添乞鞋酒漿錢

次韵立方何園

春事覺垂垂春行似後期草根花片積人語鳥聲隨酒  
病因過量棋輸為好奇欲歸愁路遠月色若為私

次韵永堂

鶯聲未改春葉底一蟬新幻境老無夢醉鄉詩有神整

中因把鏡嬾語向人似此更足者勞君料理頓

古樹

古樹被青苔蟬噪作秋聲窮冬不蔽日入夏却生風枝  
少禽難託根空蟻聚封車為斤斧棄得老雪霜中

買舟

租得舟如葉低半搭篷僅堪容野客還喜友漁翁  
水畔分浪懸崖送開風去程應不計且泊槿花叢

明融盆池二首

涼入湘簾影半閉小窗午枕夢初回蕭疎數葉秋菰上  
也解聲報雨來

老瓦盆深漾細萍雨多流却半辨青夜涼偶出庭心看

湖處光涵三兩星

聽

耳根聽不歇滴冷於秋疑似山簫醉巖前枕瀑流

晚春

白頭何計是生涯日禪前臥落花綠滿池塘魚一夢  
夜來風雨過誰家

贈段琴

我琴未絃時渾然心與石一從識開指反為琴所使清  
風千古曲雲凋寂寞玉誰能筆此奇奇梧泣倚竹

食梅

兒時摘青梅葉底尋彈丸所恨襟袖窄不憚頰舌穿我

年不自覺以我悲尚定常新試一爲喉棘眉先擗豈味  
不悅口豈老難強餐人生面百憂曾梅未爲酸

秋詞

雨放涼颼晚復晴小窗人亦於秋清月華網在蛛絲上  
錦瑟吹簾挂水晶

閨詞二首

審幄香燒錦瑟橫佳人半醉覺寒輕忽思塞下新番曲  
彈作黃鸝孤雁聲

冬事侵尋渾未知隔隣聽得理寒衣驚心步出庭西曲  
日影斜、木葉飛

馮公嶺

曉上馮公嶺艱難見客情雨和殘葉落身逐孤雲行野  
店山腰出秋泉石鏤生若將世途比此路更爲平

山中秋興

山戶少曾扃居貧只得清秋衣和月臥溪茗雜雲烹學  
字書紅葉看騷些落英從他頭蚤白心事本和平

別墅

野舍清溪曲連茅接樹陰呼童隣錯應貰酒婦同斟落  
照叔殘雨寒烟出寸岑江湖成夢事投老屢山林

次韵古愚立冬日觀菊

開繞籬頭看菊莎深黃淺紫自窠、清於簷菊香尤耐  
韻比倚蘭色更多九節耆疑今日是一樽未覺晚秋過

從教白髮須髭徧且任當筵作笑歌

竹色

竹色留清睡董風書一簾懶因人事少病覺老顏添開  
檻臨屏鏡齊書補壁飛晚蟬聲欲斷新月到虛簷

晚色

晚色剛干外倚然一欠伸雨中無過鳥烟際有行人樹  
濕清陰重沙坳潦漲新憑誰借簟笠整釣傍溪隣

薊溪途中

天風吹落日秋色上遙岑倦客未投館棲鴉已滿林妻  
孥非遠別歲月易驚心市酒不成醉新蛩助我吟  
雪

凍項縮如龜茅簷諷雪詩冷於初下日好是未消時樹  
重高枝折窗明晚色遲忽思溪上路擬借蹇驢騎

遊真巖

一徑入松林真巖峭莫尋山空泉自落日出地長陰雀  
去僊臺淨丹成古井深殘碑看未了屋角轉幽禽

送周堂長歸慈溪寄何贊府

慈溪陽楚雲間不接飛鱗因送還鄉客重懷佐邑人海  
明看出日山晚倦行春料得雙松下吟成瘦雀身

超化雲山

入門松作遲步接秋陰山帶孤城起雲歸古殿深隔  
池間雀暖倚樹看僧吟笑拈前茶處青烟出竹林



題黃止菴詩集

燈前幾寒夜編得近詩成對客時評看歸棹喜帶行風  
高霜鵲健木落澗秋清吟到無吟處蕭蕭白髮生

釣臺

山東江流起素瀾羊裘立盡暮雲寒蚤知釣餌成虛設  
多却當時一釣竿

西湖獨步

平湖開霽色寒碧照空心小立背橋影緩行隨柳陰幾  
年勞遠夢到日記曾吟荷蕩成菱地蕭蕭秋意深

送何水竹需次入剡易齋赴浙漕

弟兄聯騎出秋色赴行裝慈水瓜應熟孤山桂又香對

床村店寂起飯燒燈涼到日分吳越江流兩岸長

南坡不以科目自累而以風雅自鳴請余為賦

鳳銜科詔出祥雲底事儒林有逸民四海聲名難著我  
一坡風月正宜人鏡留白髮非遊俗家釀黃柑可接春  
只許詩朋自來往素袍青履華陽巾

雞鳴

雞鳴霜葉下月在紙窗寒客路千家曉山居一枕安林  
奴催歲釀韭種接春盤縱有少年夢其如心事闌

寄永堂

落日照江東思君訊使風樓送定何處約莫過殘冬小  
隱時曾到安書久未通自憐心馬老盤屈似寒松

送觀過免舉赴省

樽前逢臘近行李獨西征事歷風霜慣春回雨露生一  
經家自學千佛世題名昨日瞻奎宿寒芒萬丈明

茅簷

茅簷夜雪曉開晴自洗寒衣漉澗清如此過冬何不可  
梅花休笑鬢星

冬半

歲逢冬欲半心事更迢、細雨寒窗閉孤燈長夜挑遠  
書和夢寫新酒帶愁澆明日有幽興尋梅到石橋

挽鮑監鎮

一紙辟書馳華年發軔時排雲何不到殞露遽如斯幻

子未知父偏親反哭兒有書來謁此忍淚看埋碑

送何仲遠適越因之官雲水

樽酒沙頭綠漲波事歡其奈別愁何去程想憩蘭亭竹  
到日須看雪浦荷年少莫嫌官職小名高却怕薦書多  
臘前擬作孤山夢還許扁舟載雪過

簡柳濬卿

一別僅三年相看事宛然旋添新算髮猶聳舊吟肩紅  
日征途外黃花喜氣邊不須勞寄問姓字有人傳一作蒜

秋溪

迎月步秋溪蘆長與樹齊水光連漢近夜氣壓山低岸  
隔呼漁渡林疎見鳥棲酒微風力勁歸袖冷淒淒

學詩初稿

金華王 同祖 與之

京城元夕丙以下係  
丙申作 為理宗端平三年

鼓吹喧：月色新  
天街燈火夜通晨  
玉皇不賜傳柑宴  
散與千門萬戶春

湖上

長安三月又三日  
綉轂絨鞍富貴家  
笙鼓喧天蘭棹穩  
賣花聲裡夕陽斜  
偶出城來日未西  
百花叢底草萋萋  
遊人過盡歸來晚  
行遍蘇公十里堤

送客

千金難買是心知誰遣相親又語違楊柳若知行客恨  
不教飛絮撲春衣

太乙宮即事

金殿重書不開盤窠蒼柏兩行栽角門東畔瞻宸幾  
仙仗曾迎翠輦來

綠陰密處着危亭佳氣恩王武林一片紅塵飛不入  
杜鵑啼處白雲深山後林

夜步內門

靜夜孤燈人未眠等閒行過內門前一聲唱徹連珠諾  
城夜開碧川未開綠柳邊

時事感懷

壯心如鐵氣填膺萬里中原尚虜塵一枕西風兩行淚  
封疆誰是必緩人

羽書昨夜下長安胡騎駭犯蜀關愁殺閨中年少婦  
朝、空望戍夫還

襄州喋血荊州亂千里全馮孤身憑未定樊城關羽歎  
漢民何日見中興

蜀交侵淮又危江湖風浪沸潢池時江右連朝雲氣  
濃於墨想是英雄血戰時

晚秋

世變無窮客恨長欄干遍倚斜陽滿籬黃菊無心看  
付與遊蜂自在忙

明堂觀禮雜咏十三首

尚書省觀禮

中辛賦吉建齋壇宰相前期推百官尊祖敬宗天子孝  
儀文莫作等閒看

端門觀習肄教儀

百官常服拱端門丹鳳銜書下九閣宰相近前宣授了  
齊班舜蹈謝君恩

兩邊黃幕護朱簷中貴當頭候捲簾扶起金雞爭搶取  
要教天表庶民瞻

車駕宿太廟

金甲重矛兩內臣堦前對立氣英、巡更場內知誰問

聽得傳呼宰相名

車駕回太廟

瑞靄祥雲倚曉開九重法駕大宮迴一聲靜蹕千官肅  
衛士傳呼御座來

天街夜步

風不停雲月更清千門繡幕笑歌聲御營巡檢無拘束  
走馬天街夜達明

內前

青雉朱簷柳陰旁玉階金鐘列兩行輦路旋添泥細紅  
雞竿插處瑞雲香

和寧門觀駕

星斗中天夜向晨，寸雲不點月華明。六飛過盡燈如畫，  
宮漏遲、報五更。

肆赦

九重夙夜畏天威，何事晴明一夕非。不放明堂大朝賀，  
盡拋坊樂獨行歸。朝上賀以天雨免及迎樂

觀景靈宮恭謝

聖皇宗祀懷多福，恭謝回來看帶花。祝啟笙鏞齊合奏，  
舉頭更見日光華。時積陰初霽

膳羞進徹靜無譁，宰執齋宮坐賜茶。不比常朝添覆奏，  
常朝除日覆奏而報來除日十餘家

回龍橋望駕

回龍橋上望龍顏，毅采英、仰視難須信。吾皇自神武，  
何憂中國不尊安。

兩行衛士錦宮袍，萬歲聲長徹九臬。過盡羽旄風細細，  
彩雲不動御爐高。

晚秋登高

獨上危樓望落暉，齊鴉歸處遠烟微。湖光洗得秋容淨，  
爭奈江南雁又飛。

讀罷黃庭倦倚樓，亂雲抵雨過湖頭。年來無復登臨思，  
閒拈黃花送暮秋。

觀雨

蕭蕭疎雨逐斜風，三兩歸鴉暮靄中。看到菊花無可看，

一年秋事又成空

送劉方石歸盱江

歲雲暮矣始成行  
珍重劉公半月程  
四海干戈風物改  
亂離時節別離輕  
昨日新聞未忍聽  
憂時贏得鬢毛星  
歸休高臥西江上  
祇恐川原草木腥

與月舡周君話別

明日須知子遂行  
一燈對話過三更  
離魂已逐歌聲斷  
清夢空隨夜雨生  
鴨爐烟冷夜窗寒  
著盡冬衣尚怯單  
忽憶故人千里別  
雁賚芳恨度扶欄

霜風

一夜霜風動地寒  
塞垣火未報平安  
嫦娥亦帶傷心色  
為照征人尚抱鞍

夜坐

獨對寒燈客夢孤  
數聲征雁下平蕪  
古今多少難言事  
笑指梅花解語無  
坐到中霄未忍眠  
祇今身世兩茫然  
悲歡轉眼俱陳迹  
休對寒燈說舊年

寒夜

匝地陰風黯淡天  
怯寒時候只宜眠  
氈裘羔酒非吾事  
自碾新茶和雪煎

風收雲捲月當天，獨立中庭思悄然。市井不知邊塞事，  
鳴、鼓樂吹新年。

寄詩人

憶君夜、看燈花暗，數歸期未到家。兒女團樂生計足，  
還知邊塞走胡沙。

恰回午枕自華胥，忽得周郎一紙書。江上春風能幾日，  
莫教門外柳蕭疎。周詩為別有歸去門前栽柳樹逢春生綠向陽枝之句

觀錫宴宣勸

中使傳宣內裡來，輔臣拜飲九霞杯。君王萬歲三邊靜，  
壽域先從塞北開。

湖上蚤行

錢塘門外買湖舡，霧氣衝雲水接天。只有蘇堤金線柳，  
半籠蚤日半籠烟。

陰夕

恰則晴明天又陰，霜風如劍二毛侵。淮城夜雪多少不，  
見擒吳奏捷音。深

歲晚即事

矻、窮年漫逐名，不知七日換新正。困人天氣濃於酒，  
賴有梅花喚眼醒。

元日

以下係丁酉作

一夜東風換斗杓，千門曉色雪初消。君王已奏平淮雅，  
猶自謙冲免會朝。時以是事乞朝會



雲集衣冠拜紫宸  
前除日數來真君恩  
先到宮門柳  
占得人間第一春

觀宰相奉朝

五更三點內門開  
御路傳呼宰相來  
天子未明思政理  
退朝常是過辰牌

春社

廉纖霧雨四山昏  
寂寂茅簷半掩門  
客裡不知今日社  
偶過野廟見分豚

雨意

春愁如織雨如麻  
倦倚吟窗拾落花  
坐不忍眠心似醉  
悠、身世在天涯

曉、重陰晝不分  
歸鴉林裏認黃昏  
人間春信知多少  
但覺輕寒入夢魂

內前

兩桁垂楊護九重  
翠屏羞畫舊隨宮  
柔似怕君恩重  
低拂朱欄解曉風

麗正門開曉色鮮  
萬絲綠柳御溝邊  
禁中恐有題紅怨  
不放涓流出內前

小立

小立危樓望眼寬  
晚州淡處見湖橋  
梅花落盡寒猶力  
畱得東風候柳條

湖上

湖頭春水千丈碧湖堤弱柳不盈尺以歌女兒棹舡回  
驚起沙鷗對立

廬山道中

蕭蕭疎雨點孤蓬舟子招呼語順風小麥青春恰半  
一犁江上看田翁

春日雜興

迢迢清夜靜無聲月色千門噪流鶉則鶉群噪坐久忽  
驚寒力重不知殘雪在梅花

粉牆紅杏半離披春滿人閒花自知幽鳥不言如有思  
等閒飛上海棠枝

輕寒漠漠雨霏霏春院人閒半掩扉風力不知多幾許

出門只見杏花飛

百花時節燕鶯忙晝日如年懶課香午枕夢回人悄悄  
一聲啼鳥傍斜陽

清明過了柳花飛簾外萋萋草正肥喚起惜春情緒處  
空山殘月杜鵑啼

嚴陵舟中

萬水千山霽色新臨風一棹旋於神羊裘灘下休亭棹  
閒說狂奴解笑人

郊行

牧牛童子坐田頭摘草簪花兩路繞青山山遶澗  
殘蟬夕照澹於秋

火雲散盡晚風涼  
曲澗流空草自長  
香筒成絲秧貼水  
數聲布穀為誰忙

午窗

破午幽禽驚客夢  
隔窗疎雨喚離愁  
清雲得喪知何益  
蚤悟莊周蝶夢休

獨行

終日長廊獨自行  
幻身未信一絲輕  
自家心緒忡忡急  
枉恨鄰牆搥練身

初秋

晚趁涼颼上小樓  
忽看梧葉始驚秋  
悲懷無奈狂風雨  
數盡歸鴉懶轉頭

晚登層樓

以下四首皆在金陵賦作

西風吹我上層樓  
千載興亡逝水流  
數點鴉歸江浦晚  
一聲雁過塞垣秋

天津橋

橋在行宮前  
洛水如畫  
周荆以名  
三如

行闕千重鎖暮煙  
山如洛邑水如湮  
黃塵障斷中原路  
恐立橋頭聽杜鵑

晚出昇州門

晚驅羸馬出東城  
過盡山崗路却平  
村店夜深人語靜  
隔橋風遞曉潮聲

京口

晚風來候過淮舟  
開上南徐多景樓  
落日寒城伴荒草

江南人指是瓜洲

道間晚景

斷橋流水涵虛碧  
遠岸空山鎖晚青  
勒馬為看溪畔景  
森森古木暗長汀

題鄭雲谷梅窗

幽、歲月為誰忙  
靜倚梅窗到夕陽  
老菊不知秋已去  
晚風時送短籬香

愛梅來訪小春花  
閒臥雲房避俗譁  
喚醒昏昏塵世夢  
旋移石鼎煮新茶

歲晚雜興

撥盡寒灰恨轉添  
不知片雪點疎簾  
梅花帳冷爐烟歇

架上黃庭信手拈

時勢危基局轉低  
丈夫有志竟何為  
優游輸與田家樂  
問着朝廷事不知

兩雪霏、歲又除  
鯉庭日斷數行書  
銷金帳下羊羔酒  
便學篋人也不如

夏日金陵制幕即事

五更三點造轅門  
了却文書日欲昏  
出入戴星吾豈憚  
要須一飯不忘恩

蚤來禹得氣清明  
更捧軍書課日程  
秉燭撥先書押了  
州教涼枕數殘更

荷花池畔竹涼床  
一枕閒消夏日長  
燈過水沉天正午

旋移小艇採蓮房

幕府人才不在多  
回寅難得是茶和  
一堂賓主春風裏  
剩有工夫到切磋

入夏邊鋒漸報安  
不妨拄笏共觀山  
西風易把江濤湧  
整暇規摹肯放閒

郡圃觀白蓮

翠蓋亭亭映玉裳  
臨風綽約暗飄香  
六郎正被繁華困  
不愛濃粧愛淡粧

嬌羞處子臨粧後  
淡淨佳人出浴時  
無語倚欄如有恨  
生嫌別岸污燕脂

掩畫嬌春歛恨濃  
蓮包欲實又成空  
都緣不肯為雲雨

開落非關一夜風

採菱人散夕陽收  
冷落西溪風露頭  
飛入白鷗花一色  
暗香來處月如鉤

泰華根株本一同  
何分白、與紅、半池  
只怕霜風倒  
輸與蒼顏百丈松

秋日金陵制幕書事

幕府秋來事更多  
夜深猶自擬諸策  
制幕則曰策蓋傲  
之制平安號火新  
來急虜騎連霄已渡河

點盡官軍點到民  
三千新遣殿司兵  
流移更講關防策  
預結強丁戍列營  
流民強壯預為未賦處

哨馬紛、一水間渡頭  
分戍要防姦可憐  
生計漁舟者

連霄一掃連宵

通霄一奉通

官給旗牌禁往還諸波道官攻之以為禁姦之防至於  
元帥謙、畫下情麟堂垂晚更延賓遇風畫是向舟客  
肯把秦人視越人

明朝玉帳過江邊騎卒行營一日先出得公庭天向夜

通霄人散起家錢元州江行騎卒遣營中  
通夜散起家錢共隨營

秋閨

西風昨夜到庭梧曉看窗前一葉無秋月照人眠不得  
等閒拈弄綉工夫

滿目淒涼只自知閒將心事寄琴徽無情梁上雙燕  
帶取秋光一半歸

入秋情思可曾收深瑣朱扉怯捲簾書幾無人塵不掃

一鈎蛛網掛牙籤

江南賈客去忘歸撲面邊塵自在飛想得那邊寒較蚤  
夜來密地剪征衣

零露瀼瀼、夜氣浮嫩寒差力五更頭鄰鷄啼破交加夢  
冷浸梧桐月一鈎

冬日金陵制幕書事

督制堂、兩重臣駐師移府夾江濱資糧扉屨多、辨

更有舟車乞與鄰特制兩間殺七江岸應後淮  
制亦自難提兵會合軍需等物

本司

官軍間說定廬州政虜功成一滴油一名滴油智勇功名

付元凱王三鈞命到康侯此詩為今此重以重兵二  
十萬圍城者四十餘日

杜公於援兵未至前不動聲色而破之父子俱奏馬功受上賞

城中守將方投或陣而將軍已膏降版築紛々成底事

那知靠後是長江此時為除州作雷州已有退志會援

師築城於江端未進城中傷歎有內變勇遂入而城已矣

薄晚官軍得勝歸家戶戶掛旌旗陣前紀律明於日

師入城來半不知此詩為往來過軍作

三五同寮出幕遲公餘終日意怡々歸來又被梅花惱

撥冗銅彝插數枝

右七言絕句百首同祖少作也少作不止是雜體凡數

百未敢錄姑錄此百篇為初稿非錄詩也錄其事也詩

因事而作事由詩而著不然少作何敢傳哉同祖自髫

鬚侍 家君宦遊弱冠入金陵幕府目所觸意感寓於

詩，不足錄事不可廢此初稿所以出也孔子曰小子

何莫學夫詩又曰非求益者也欲速成者也同祖慕聖

門學詩之訓將以求益而非敢蹈欲速之戒遂以學詩

名其篇嘉熙庚子月正元日金華王同祖書于建安郡

齋

Blank columns for text.

芸居乙藿

錢塘陳起宗之

安晚先生賦以丹劑四種古調謝之

陳子一畝宮居來七十年當其春盛時庭花發幽妍轉  
矚長養天青子垂簷前秋收倘百禮冬享意則度年來  
風雨凌垣倒壁四穿上漏下卑濕敗隙遙瞻天三生結  
施仁觀此殊興憐捨以四條柱俾之撐危顛工師得大  
木裁製精且專尚欠樞與榻况復棟與椽再干大壇越  
結此歡喜緣

履齋先生下剏參附性體以謝

有客號奚毒西來自赤水外負炎氣內存溫粹美當



年楊天惠誇大不絕齒解后段氏子即之殊可喜卻和  
迺素心調中古無比世仰大醫王民瘼咨朝市二子願  
托身赴湯任驅使興憐維摩老遣前護衰毀病魔亟退  
舍怡然得安壘緬想蓄牛溲陋哉子韓子既非瞑眩劑  
厥疾無瘳理一念衛生恩百拜額加指

友人新息滿月

蘭砌懽傳書種子寶刀剃髮月初彌絕憐雅致高於俗  
點易殘朱抹頰

汎湖紀所遇

六橋鶯花春色濃十年情緒藥裏中筆林茶灶塵土積  
為君拂拭臨東風可笑衰翁不自村少年場中分險韻

畫舸輕移柳線迎侈此清遊逢道韞銖衣飄、凌綠波  
翡翠壓頰描新荷雍容肯就文字飲烏絲細染還輕哦  
一盃絕類陽關酒沅水高山意何厚曲未終兮袂已揚  
一目歸鴉噪棲柳

賀友人絲桐復歸

春到牡丹花事闌惜春約客遊湖山烟光萬態屬吟思  
白石清泉流指間雙成解后蘭舟駐索紙大書春草句  
成此風流一段奇樂事百年能幾遇薄暮歸來雨濕衣  
買舟庇此十三徽小梢愚惻阻人意客散河梁燈火微  
方將清事誇兒婦桐君羽化無何有一壺千金何處尋  
愁絕瓠巴無錯手要知煩惱所根株以爰布種聲當芟

除趙壁既返權如初哦詩稱賀敢後歎

適安惠糟蟹新酒

偉哉無腸公橫行占江湖幾欲肆其雄上山攫於菟無  
端四五輩懷椒尋酒壚枕藉糟丘下醉魂呼不甦尚想  
橫戈勇曾次與世殊開懷風味佳大丹液膏腴此寶君  
所儲何為貽老夫麴生挾之前爛然陳座隅當其左持  
螯不知竭此壺酌耐無何鄉軒冕不關渠東望歌老饕

題適安清湖寓居

薰風軒檻曉晴開鬱、桐陰手自我二水合流當戶過  
一山分影入樓來琴逢良夜時揮美詩欲名家巧剪裁  
可羨一壘安所適紛、車馬汨黃埃

燈花戲簡西隣

西隣逸韻借秋清瑤琴曾許月下聽神馳吟境日復日  
風颺轉矣寒此盟昨日相逢再有約六花飛時湖上行  
短檠不密泄此意輝煌粟、攢金英閨堂一笑前來覩  
信手閒閱燈花經一主飲席設林麓一主盍簪獲良朋  
便欲箋天檄滕六銀盃逐馬快此情曉來喜見萬瓦白  
迺是天宇清霜明得非分薄上分字作去聲誤燈花還復燈花  
戲老兄

武光惠藥

昔人儲藥不敢嘗未遑寒濕良毒昔朝來剝啄客問病  
賢劑盈奩意何侈便當三咽答殷勤兒欲先嘗還且止

平生結交結以心豈有鴟人羊叔子多君相濟義薄雲  
友道綫絕今振起綠陰庭院起清和抖擻精神迎樂喜

秋懷

又見街頭賣紫菜老懷擾、類催租客來喜得吳江紙  
欲寫新吟一字無

懷三山友人

春前深惜別病後政無詩青又生菱角紅應熟荔枝魚  
一賓席暖風逆客帆遲徒結連霄夢郵音負所期

寄彭勿庵

一片巴江月移輝到庾梅孤山春事蚤疎影望東回  
以仁者壽為韻壽侍讀節使鄭少師

丙午

連曾一不連

一氣妙磅礴萬彙屈者伸方寸函太極宇宙皆吾仁端  
平政化絃真儒手洪鈞厥今扶公道皆著夾袋入丙午  
成樂歲甲午無窮春

岩堯閭闔雲蹀躞繡鞍馬細氈侍珠旒治道談帝者歸  
來西湖濱岸憤松蓋下秋淥晚涵山揖以薦瓊掌北第  
何三辭泉石懷綠野

賦詩投金瀨俸入猶半有輝煌奉國節一粟迺不受羸  
副初何心國計要豐阜一丸濟世德陽報期千壽會須  
煩潞公再與佐元祐

枕上

病與仇謀酒作成藥爐又復伴深更隣鐘自是常時聽

平生結交結以心豈有鴟人羊叔子多君相濟義薄雲  
友道綫絕今振起綠陰庭院趁清和抖擻精神迎樂喜

秋懷

又見街頭賣紫菜老懷擾、類催租客來喜得吳江紙  
欲寫新吟一字無

懷三山友人

春前深惜別病後政無詩青又生菱角紅應熟荔枝魚  
甘賓席暖風逆客帆遲徒結連霄夢郵音負所期

寄彭勿庵

一片巴江月移輝到庾梅孤山春事蚤疎影望東回

以仁者壽為韻壽侍讀節使鄭少師午

省連

一氣妙磅礴萬彙屈者伸方寸函太極宇宙皆吾仁端  
平政化絃真儒手洪鈞厥今扶公道皆著夾袋入丙午  
成樂歲甲午無窮春

岩堯閭闔雲蹀躞繡鞍馬細氈侍珠旒治道談帝者歸  
來西湖濱岸幘松蓋下秋淥晚涵山揖以薦瓊笋北第  
何三辭泉石懷綠野

賦詩投金瀨俸入猶半有輝煌奉國節一粟迺不受羸  
副初何心國計要豐阜一丸濟世德陽報期千壽會須  
煩潞公再與佐元祐

枕上

病與仇謀酒作成藥爐又復伴深更隣鐘自是常時聽

才到霜天分外清

郭聖與黃希聲問候

山有靈芽可點金名醫未遇若為尋藥房掩書情多感  
竹榻逢秋老不禁座上遍將唐帖揭架中間取晉詩吟  
病懷得此相料理更接蘭交問訊音

過三橋懷山臺

賣花聲裡憑欄處沽酒樓前對雨時景物如初情自老  
夕陽波上燕差池

題玉泉畫像次來軸韵六言

鹿隨寒策穿雲解后靈峯時節含毫誰貌閒情莫畫胸  
中風月

奉酬竹溪陳史君新詩墨梅之貺

千里雙魚賁草堂中藏瓌異夜騰光興因東閣增懷想  
影落前榮不寄香四韵休誇毛穎伎幾回曾認壽陽妝  
感公意過兼金餽慙乏瓊琚展報襄

壽大丞相安晚先生

崖峨補陀山下視海水流風波定以稍穩、濟川舟皇  
穹祐炎祚黍稌慶有秋繫誰致此祥上相今伊周赫、  
命世賢師道輔前旒暨湯同格天康濟仰廟謀向來三  
邊塵化作和氣遊橫戈枕月戍擊壤歌西疇小春明日  
是泰階射斗牛見說老人星交耀光九州宣勸下紫宸  
雕盤羅珍羞北禁詔墨香只熾頌魯侯生戴厚恩一

安晚先生自  
奉壽注已前

才到霜天分外清

郭聖與黃希聲問候

山有靈芽可點金名醫未遇若為尋藥房掩畫情多感  
竹榻逢秋老不禁座上遍將唐帖揭架中間取晉詩吟  
病懷得此相料理更接蘭交問訊音

過三橋懷山臺

賣花聲裡憑欄處沽酒樓前對雨時景物如初情自老  
夕陽波上燕差池

題玉泉畫像次來軸韵六言

鹿隨寒策穿雲解后靈峯時節含毫誰貌閒情莫畫胸  
中風月

奉酬竹溪陳史君新詩墨梅之貺

千里雙魚賣草堂中藏瓌異夜騰光興因東閣增懷想  
影落前榮不寄香四韵休誇毛穎伎幾回曾誤壽陽妝  
感公意過兼金餽慚乏瓊琚展報襄

壽大丞相安晚先生

崖城補陀山下視海水流風波定以稍稔濟川舟皇  
穹祐炎祚黍稌慶有秋繫誰致此祥上相今伊周赫  
命世賢師道輔前旒暨湯同格天康濟仰廟謀向來三  
邊塵化作和氣遊橫戈枕月戍擊壤歌西疇小春明日  
是泰階射斗牛見說老人星交耀光九州宣勸下紫宸  
雕盤羅珍羞北禁詔墨香只熾頌魯侯生戴厚恩一

詩何能酬擬辦八十首從今歲、投

紙帳送梅屋小詩戲之

十幅溪藤皺縠紋梅花夢裏悶氤氳  
裴航莫作瑤臺想約取希夷共白雲

迎月

尊酒貪迎月人生醉後嘉夜來窗不掩  
吹落一瓶花

止酒示圭

一病杯中物致危翰林何事酷耽之  
酒經若果通仙道不向青山立斷碑

適安有湖山之招病不果赴

蘭契簡以詩金鏗而玉憂招邀訪逋僊  
劇飲擬投轄事

有違人意十常居七八文園病政濃  
况復泥濘滑老懷欲舒散天心若是恕

附適安和

人生欲四并其難乎夏、春工闌花柳春露既車轄  
何當載酒歌對舞花十八樹色尤綠秀鶯聲尚圓滑  
作詩調維摩  
病安情已恕

附槐隱和

新篁褪錦衣風玉漸相侵香紅吹成塵春去誰管轄  
歌酒相留連一笑攜二八敗意林間禽饒舌泥滑  
可人非不來  
正坐天意恕

挽梅屋

桐陰吟社憶當年別後攀梅結數椽  
湖海有聲推逸韻弓旌不至嘆遺賢  
兒收殘稿能傳業自誌平生不愧天

航便雙魚無復得夾山西望淚潸潸

挽林夫人劉後村

懿德遐齡世所尊  
濃薰斑馬到諸孫  
疏榮花誥加宏邑  
賜第蘭階侈異恩  
了了三乘言外趣  
如一一性定中存  
魚軒應向西方去  
知在蓮花第幾根

病中偶成

平生謹樽酒  
投老更齊聖  
優遊接嘉賓  
能使百憂屏  
可憐陶士行  
飲少亦致病  
豐下改舊容  
浮采滿青鏡  
升降氣失常  
醫經云上感  
承試黃湯要期  
勿藥慶朝來  
覺清爽臨窗發  
幽詠

薄命

薄命畏庚金  
那逢閣茂臨  
一尊花下飲  
半載藥邊吟  
食味同元酒  
形骸類槁林  
但存元氣在  
會見綠成陰

消遣

夜雨生寒換夾衣  
形臞貌悴嘆衰遲  
病中何物能消遣  
一榻揩摩十載詩

題西窗食芥稿

曾味西窗稿  
經年蔬類清  
細評何物似  
碧澗一盃羹

一念

一念無塵雜  
三更有夢回  
同他石橋老  
過水探寒梅

買花

今蚤神清覺步輕  
杖藜聊復到前庭  
市聲亦有關情處



買得秋花挿小瓶

一榻

一榻世緣輕毋將事物縈昔人言豈誤慧自靜中生

同清光看猿

藜杖同僧扣應門野史閒放他猿摘果莫把白雲關

薄暮

寂寞誰作侶耿々一寒缸薄暮西風急呼童掩却窗

秋夜懷康節

無眠輾轉聽更殘心緒如絲起萬端煎藥爐邊童夢曉  
讀書檠下婦初寒狡狴斷火香猶婉促織推秋袂怯單  
願子大賢康節語此情於我一般々

冷泉凭欄

此山泉石勝還思日々登那知三生前不是住山僧

冷泉解后友人畱飲

倦叟尋芳籍短筇故人解后一尊同明霞浸水疑鋪錦  
彩閣橫溪儼臥虹猿去復歸啼曉嶂僧來相伴立春風  
雪濤湍激開寒閭猱盡塵襟萬慮空

黃路鈴詩來告別

玉泉馳一紙八韻有情詩不肯面相別恐成離索悲江  
聲噴岸拆潮勢激帆危舊制邊州守方今典轄司

適安招遊湯鎮不果赴

湯鎮古祠宮招邀及倦翁輕裘乘曉月駿馬逐東風野

色觀無分春光病見政行將迎誕日一辯擬遙通

寄東齋

又復逢初度疋羸異昔時預愁臨丙戌所願值天醫剪  
綵裝茶果裁成薦壽卮今年都告免湯餅却相宜

寒吹

寒吹西軒入果恩設座隅腰圍同沈約指爪類麻姑靜  
臥氈三疊清齋飯一盃曉來香滿室巖桂侈餅鑪

適安夜訪讀靜佳詩卷

情同義合亦前緣得此蘭交慰晚年旋熟古香延夜月  
試他新茗瀹秋泉君停逸駕談何爽客寄吟編句極圓  
可惜病翁初止酒不能共醉桂花前

所適

釣鼇東海頭經春醉一舟西溪拗鬪人小鮮終日求

庚戌秋作

甲辰迤邐至今年藥竈殊勞日夕煎血氣任他銷與鍊  
向來詩骨已成僊

耘業許印章四韵叩之

近因稚子傳來意知許莧翁兩印章字畫莫教凡手刻  
形模當取古人長六書今獨行秦嶧三體空聞設漢庠  
後世陽冰能復古未知何日寄文房

婚嫁

婚嫁債羈縻何時是了期每嗟身外累無出女和兒聽

漏寒無夢添香夜有詩沉、澄萬境梅影月初移

六言簡耘業

露濕螢光愈、城月斜、蛩韻尤清、微物得時若此人生可不求名

東起

東起僊翁肘後經、且參思邈枕中吟、夜來獨臥寒無寐、憶殺黃紬舊破衾

聞鄰寺粥

寒缺旋擿動、冥搜泓玉摩、研萬象、趁鐵版響、廊催蚤粥、銅壺添水易新籌、一聲鷄唱驚殘夢、再聽鴉群過小樓、可惜秋光惟帶隔、料應河漢五更收

汪夫人筵上口號

今朝王母譙西池、蔥蒨祥烟靄綉帷、坐摘蟠桃華壽席、行看丹桂發孫枝、魚軒錦轂花千疊、鸞誥金鈴絡四垂、好是慇懃千歲祝、老萊先酌後門楣

脩然

向來蓮社本遺榮、勾引淵明造道場、梵葉翻殘空佛印、念珠持久現圓光、秋花依約生涼意、暑雨微茫送夕陽、客退飯餘無箇事、脩然一枕到羲皇

風雨作

無成老見逼望、太平過驚雨、愁扃戶、聞風慮、偃禾孟、中醇止久瓶底粟、無多畝、畝憂時切、天子少警何

漏寒無夢添香夜有詩沈、澄萬境梅影月初移

六言簡耘業

露濕螢光愈熾月斜蛩韻尤清微物得時若此人生可不求名

東起

東起僊翁肘後經且參思邈枕中吟夜來獨臥寒無寐憶殺黃紬舊破衾

聞鄰寺粥

寒缺旋擿動冥搜泓玉摩研萬象愁鐵瓶響廊催蚤粥銅壺添水易新籌一聲鷄唱驚殘夢再聽鴉群過小樓可惜秋光惟帶隔料應河漢五更收

汪夫人蓮上口號

今朝王母讌西池蔥蘢祥烟靄綉帷坐摘蟠桃華壽席行看丹桂發孫枝魚軒錦轂花千疊鸞誥金鈴絡四垂好是慇懃千歲祝老萊先酌後門楣

脩然

向來蓮社本遺榮勾引淵明造道場梵葉翻殘空佛印念珠持久現圓光秋花依約生涼意暑雨微茫送夕陽客退飯餘無箇事脩然一枕到羲皇

風雨作

無成老見逼望、太平過驚雨愁扃戶聞風慮偃未盃中醇止久瓶底粟無多畝畝憂時切天宇少警何

葵窗送酒

久藏斗酒謀諸婦，婢子倉皇錯授醢。鮮近芸居初止酒，小厨海錯旋開泥。

望曉

要知筋力衰多少，一覺才回常了。隣鐘無奈五更何，望斷窗紗不能曉。

湖上即事

波光山色兩盈盈，短策青鞋信意行。葑草烟開遙認鷺，柳條春蚤未藏鶯。誰家艷飲歌初歇，有客孤舟笛再橫。風景無窮吟莫盡，且將酩酊樂浮生。

朝宗餽食且復招飲

相親逾骨肉，何以結情深。下箸覺可口，同盤還上心。撥灰君句就，曝背我寒侵。屢有梅窗約，行將共晚斟。

送印寒節簿得關西歸

才藻世於家，句朱新職華。學能如藝木，春到可生花。野店寒吟月，輕裝曉度沙。君行余正酒，一念一興嗟。印寒

谷題仁亭詩藝本印歲寒之句

圭示急須制作亭當喜成一絕

博古圖中無此漾，緊誰匠意巧胚胎。槐堂新送黃封酒，便可衝寒煖一杯。

梅花怨為汪芸業賦成

崢嶸歲事春將至，寂寞梅花雪失期。獨有垂楊伴幽怨。

豈堪臨水折長枝

舊題隱者壁一絕

妻嘆山犬踐園蔬兒釣溪魚餒雀雛總道村居無外事  
有人庭下索詩逋

酬成賢良詩

獻璞無成喜弄璋世間得失事相參劉蕡不得言時事  
半為當時記樸菴

同友人汎舟過斷橋登壽星江湖偉觀歸舟聽  
客謳清真詞意甚適分得江字奉寄季大等鄉  
執兼呈真靜先生

辛亥仲春將徂分有客踵門曰風日流麗邀余共泛西

湖之舸坡江舸南去而忽西兮昨之折檻今復飾以成

杠背蘇堤萬絲之綠陰兮望一簇孤山之青幢坡江層

峯疊嶂才絕露天巧珠英琪樹發越地之靈一聲何處

兮鐘撞篙師告余曰此壽星古刹上有奇觀開宇宙於

八窗捨舟策杖步巍我謝屐殊勞雙回廊曲轉忽軒

豁檐飛棟複青綠交輝心開目駭而揖西子之湖子胥

之江觀者雜還儼去儼來余獨凭欄境與心會便欲馭

風跨蜿蜒虹湖江烟雲萬態客擬狀而運思拜今老退且

遜銳逢莊嚴世界合爪讚嘆要使天下名山誇詠者睹

此奇偉而心降風寒下山吹欲倒連呼春酒亟開缸簫

鼓畫船徒自紛耳目何如美成清絕按新腔詩成肯對

俗子哦馳介城南寄老龐

舊挽汪隱君

汪守泰

栖志浮雲小萬鍾帶經高壑度春風義方莫問當年事  
十五男兒識阿戎

遺碣鑄辭掩夜臺修文空嘆送餘才鹿坡明月成惆悵  
不見高人自往來

靜江商宰書來且索鄙語要道其冰雪相看之  
意古調代書

連牆不通問千里迺寄音平生於締交淡泊味最深吳  
山青棟天應同碧玉簪尚憐風馬牛睽若商與參一聲  
南來雁西風又相尋君其念衰朽余亦懷瑤林一廉了

官事吟外時鳴琴識量萬頃陂文華寶南金向來唐相  
璟疑事問崔琳諸臺貴得賢而肯捨此琛會晤喜有期  
寬此離索襟

安晚先生送自贊太上感應篇帙首

御題諸惡莫作衆善奉行八字輔以

佑聖像一軸兩詩見意云

公衮殊相念竒書寄布衣此心才動處萬善要回歸本  
旨詳敷衍奎題重發揮應憐蘧伯玉投老始止非稽首  
元真像當年助我軍龜蛇俾聖武龍鳳煥奎文劔聳燒  
空稻旗翻渡海雲上公傳琬琰分惠感慙勤

雜言送歛硯廣香與友人有懷楊校書幼度

我有龍尾雙槽之硯肌潤而若沐涇濛舊藏古香氤氳  
來自廣之東多君博雅舉以為贈三嗅而抹月批風要  
若鎔金加萬佛經上更須滴露點四聖書中往昔濃薰  
懷太史而今一瓣為南豐藜光下照人何在閣下閒花  
馥舊叢

真靜饋新茶菰乾黃獨乳酪約葵窗適安共享  
適安不赴葵窗詩來道謝次韻答之兼呈真靜

適安

千載靖節翁林向公田種萬鍾於我何肯戀五斗俸長  
歌歸去來田園聊自奉高蹈世莫儔器局小管仲嗟余  
昧於時退思心每痛世人不我知小畦親抱瓮唯有竹

宮仙時復致一供四清山中珍凡目為之動黃獨前未  
識勿謂仲宣蠢春茗摘新芽秋菰懷舊葑江南貴乳酪  
此意兼金重得君同下箸詩來再三諷韻意兩相高文  
史嘆足用續貂愧狗尾敢與賢者共語奚較工拙年來  
此心縱軟飽黑甜餘無復春草夢可人招不來屬篇亟  
持送

哭丹池王隱居

憶昔相逢初一見即刮目出處雖不齊椒蘭則同馥論  
心到極處情愛踰骨肉十年傳成癖搢 閉門讀高志  
尊所傳而肯曲從俗抱此奇特操平步可金玉况復同  
窗友槐庭秉鈞軸事有反所料軒冕笑羈束縉雲邈千



里訪道求辟穀食棗懷安期竊桃小方朔平生精進心  
自可登僊錄一着偶失筭九書無復續洞霄有猿號丹  
池無雀浴昨病失會葬生芻東望哭

寄汪起潛簽判

飛雲起伏龍大鵬運以風風雲一朝會前塞今迺通斂  
翼賢景畧時哉使其逢腰錢與騎雀事或有適同青門  
瓜吹香綠水蓮泛紅人物王謝家風雅眼底空茶畫聳  
臺府宜護碧紗籠鄱江萬折東獨鶴摩蒼穹浮圖快一  
擲歸騎先賓鴻

史記送後村劉秘監兼致欲見之悰

良霄一車已

昏瞶嗟耳目管絃堂上調世事每相背秋月虛良霄消

吉擬登龍疾雨驚風飄襦刺不得前東睇心旌搖近履  
傳康強變體筆更饒風響雖時接未若親聞韶憶昔西  
湖濱別語請教條囑以馬遷史文貴細字彫名言猶在  
耳堤柳凡幾凋茲焉得蜀刻持贈踐久要會晤知何時  
霽色審來朝

菊潭詩集

雲川吳仲孚

春閨怨

細柳輕烟鎖畫樓  
樓中人去水長流  
琵琶聲斷梅花落  
別是春風一種愁

蘇堤清明即事

梨花風起正清明  
遊子尋春半出城  
日暮笙歌收拾去  
萬株楊柳鬢沉香

湖上即吟

濕了荷花雨便休  
輕風歸柳落於秋  
一生不作機心事  
合轉船頭向白頭

雨後

雨後輕雲學水流，惜春人瘦怕春休。梨花却恐難尋夢，燕子何曾細說愁。

賀史守鳳雛滿日

玉手歌姬托鳳雛，堂前畫額旋調朱。春風共會宜男草，試問他人種得無。

寄東畎曹侍郎

結網求魚事已遲，却非春草不歸詩。斜陽一片山如畫，更把心期付與誰。

題秋江晚照圖

水光只肯淨涵虛，分浦通村路却無。風日向低鴻雁落，

釣竿一半出菰蒲

曉吟

翠帳香消捲碧紗，風梢殘雨濕榭牙。蜻蜓亦被涼勾引，清曉低飛入水花。

春詠

草堂燕子未歸時，飛入硯池看徹唐人詩。一卷夕陽猶在杏花枝。

贈別上官良史

不帶黃花一醉君，喚歌催舞語紛紛。天涯明月空相憶，寒雁無聲入斷雲。

秋夕

西風吹露下秋空  
烏鵲無聲占碧桐  
天氣微涼人好睡  
闌干閒在月明中

望望

閒與蘆花立水邊  
歸心客思兩茫然  
夕陽收盡天風急  
一樹寒鴉落野田

辭史侍郎

事到依人易策勳  
合歸收拾北山雲  
春風入手非閒用  
種得梅花却寄君

春夢謠

銷金帳掩水沉烟  
髻滑金釵落枕邊  
魂夢不知春已去  
誤隨蝴蝶過秋千

拜和靖墓

墳草年、一度青梅花無主  
自漂零定知魂在梅花上  
唯有春風喚得醒

重拜和靖墓

片玉沉山草亦珍  
斷碑殘石當麒麟  
君王別為開門戶  
不欲梅花見路人

閨怨

病起傷春獨倚門  
喚人鸚鵡起隔簾  
聞無情最是東風惡  
瘦却梨花一片雲

僊興

宮殿高、在五雲  
雀搖松露滴行人洞門  
不放東風過

留得桃花一院春

山居春興

林雪消寒滴春風入草廬好山分客看閒地課童鉏竹  
瘦偏宜雀泉清直見魚邇來因苦詠零亂一床書

寄大使趙清臣

擒吳纔了合封侯何止區區古蔡州一着高時全國體  
十年危處與心謀山川恢拓春風遠天地清明王氣浮  
白雪滿頭勲業大不應忘却赤松遊

寄蔣重珍秘書

焚香誦易與天遊君命相催不肯休時節固知來則是  
功名却以得為憂翠蓬雲氣生衣袂金殿陽光動冕旒

此際一言能悟主始堪回首舊林立

寄越上高疎寮

便教烟雨畫成圖幸似歸來有賀湖鏡裏精神西晉有  
詩家標準晚唐無惜花春盡鶯吟苦敲竹風清雀夢孤  
世事正多心蚤懶著書贏得靜工夫

立春日即事

檢殘玉曆又春來造化無私命轉乖照水莫嫌窮面目  
看山長有好情懷生期惠遠眠雲過必問林逋借地理  
詩到夜寒吟更苦一枝梅雪映書齋

送伯氏秋潭謀居

朝吳暮楚幾時休未必江湖有白鷗萬事莫如歸去好

一椽當為老來謀  
春天吟思行花徑  
夜月琴聲坐竹樓  
但得餘齡無俯仰  
魯公食粥亦風流

送王夢升入道

不肯輕迷固有天  
星冠瞥霞竟翩然  
人能變體方超俗  
丹到成功即是僊  
伏洞黑龍聽夜吼  
傍花白鹿伴春眠  
哦詩更欲全清致  
當以彌明作正傳

贈史泳

烽火窮邊幾度愁  
亦曾將歿博封侯  
謗興在彼情誰怨  
事過知君痛自休  
跨馬甲衣春雪白  
射鵰弓箭曉星流  
救時正屬英雄者  
更着工夫必到頭

移居即事

山移無復昔人賢  
隨分長安辦一椽  
掃室敢言天下志  
閉門儘可雪中眠  
携瓶與客同沽酒  
接綆過鄰自汲泉  
到此始知閒是福  
居山未必似君鄧

呈雲麓史侍郎

若教儘說漂沉却  
恐無慘老不禁百拙  
難隨今日巧  
一貧方識古人心  
牛羊歸盡荒郊濶  
猿雀愁多故國深  
亦欲以詩為活計  
世間何許覓知音

謀生

謀生一事到成功  
消得湖邊地幾弓  
韋曲有花畱杜老  
洛陽無客問盧仝  
春風燕子虛簷外  
夜雨蛩聲小徑中  
所立規模雖冷淡  
絕勝彈鋏舊漂蓬

贈越僧意書記

一衲冰霜二十年不知妙用自誰傳  
心能轉物方為佛詩到名家亦是僊  
喜客稍寬酒禁愛聞多結住山緣  
今冬約我西湖上同看梅花坐釣船

自序

一劍辭家竟陸沉夢思空向故廬深  
槎迷河漢千年恨樹隔關山萬里心  
衣垢正憐貧未去鏡明忽有老相尋  
春歸不與人為約青草催詩亦嬾吟

秋夕

兩聲雲氣暮蕭蕭羅扇恩疎井樹凋  
心事暗隨歸夢去壁燈畱與可憐霄

詠貓

弄花撲蝶悔當年喫到殘糜味却鮮  
不肯春風畱業種破氊尋夢佛燈前

次王漢和見寄韻

扇恩已盡漢宮秋空憶金鞍遠玉樓  
九辯不歌黃菊老斷烟零雨為誰愁

吳仲孚作宜系

傷春

白髮傷春又一年，閑將心事卜金錢。梨花消瘦，東風懶，商畧平生到杜鵑。  
按吳中老儒  
糜先生記問該洽，九經注疏悉能成誦。一日仲孚客吳，過詣，遂相以述作，因誦白髮傷春一首。糜先生屈膝拜之，曰：子真謫仙人也。老夫每欲效鍾期，則漢高祖、唐太宗，追逐不可及矣。

涪川書屋

雲泉詩集

唐栖釋 永頤 山老

越溪吟

石磊、猿啾、越王霸業秋山頭，英雄喪盡知何數。可怪猶存繞紗處，當時月照清溪頭。美人如水逐東流，至今片石終難改，千載猶含澤國羞。

詠懷

晨風蕩原野，高林摩蒼條。屋上野花落，堦前春草搖。少壯不可恃，金骨亦易銷。風志嘆沉淠，晚心日幽寥。紫烟凌石峯，綠雲生桂標。林嶽頽清暢，况復靈景饒。

食新茶

雲泉詩集

文瑞樓



自向山中來泉石足幽美茶經猶掛壁庭草積已衆拜  
先俄食新香凝雲乳動心開神宇泰境豁謝幽夢至味  
延真返靈爽脫塵控靜語生雲雷逸想起鸞鳳飽此巖  
壑真清風願遐送

雨後對月

清夜不復寐蕭然據胡床對此九天上陰魄含虛光光  
飛激洞戶彩瑩棲雲塘芙蓉雜羽蓋暗水流瑤芳景異  
沉昔夢心定聞空香不知孤寂身尚此山水鄉

秋日泛西湖

水涼宜照影與客上湖船白浪翻紅楫青山映碧蓮鳥  
飛荷葉下人散柳條邊烟蓋歸來晚燈前雀未眠

久雨

山房十日雨仰棟看行蠅窸暗風庭竹萱凝晚砌花嬰  
紅留夕火焙綠薦春芽滴西窗下清泉滿石窪

初秋憶湖上諸山

山中夏日足幽娛葛帳藤床誦寶書白拂蒼雲粘幾案  
清香綠竹上空虛草堂夜月秋花近水閣晨霞夕霓踈  
遙憶錢塘舊朝寺繞湖鍾梵蚤涼秋

雪中夜吟

亂書塵席散清輝竹院香凝宿火微客去薜墻粘凍履  
鳥迷庭樹入寒扉重陰覆野春耕澗烈炬明山夜獵歸  
燈下老翁吟復聽斷崖水折碎聲稀

山村日暮

積背斜陽暖茅茨石樹穿行人識岡路饑噪沙田遠浦  
生微月荒皋起暝烟群鳥飛散盡寒水漾漁船

山中晚興

松間石上聽流泉看盡雲歸宿鳥還夕殿焚香春院閑  
暮鐘沈響月塔開非干獨往輕世自合離群靜掩關  
林境翠深烟樹合正堪高臥縱疎頑

唐栖寺前

唐栖寺前溪流客帆來往舊杭州津亭樹老無人記  
得見幾回僧白頭

觀烏鳶山下藤樹

樹老一本之

一株老樹蔽荒林下有藤懸巨蟒身幾度日斜烏鳶散  
山昏鬼哭斷人行

金鵝晚眺

天低野曠樹濛濛盡入金鵝望眼中青嶂月生雙雁去  
碧溪雲繞亂帆通平篙落照沈烟寺結陣寒鳥保暝叢  
歲月飛騰吾嬾笑昏鐘迢遞起秋宮

送僧歸菴徑

吳渚僧歸落日村故王宮井已無開水邊尚有紅藍草  
不染香衣染壘雲

牽牛花

老梅枝上掛牽牛引得青花上樹頭秋圃日斜風露冷

倒垂長蔓拂鳴鳩

和韓湘泉韻題周晉仙山楹

不剪亦不斷山楹在塵表石泉深涼。秀谷自圍繞是中玄  
覽人未見今日了君固自無心世亦不易曉夢奠何可攀  
頽然泰山小當時巖壑人百世何矯。清吟振霞纓日翳群陰  
悄

過吳門

故苑烟花百草香五湖人去事茫茫。浮雲幾度春陰合猶  
見西山白鷺行  
花落春江一夜風滿江烟碧撼垂虹輕舟浮載如天上  
况是殘雲細雨中

汀漲

澤國迷春漲芳洲生綠波靜涵汀樹小閒占浦雲多風  
晚低輕燕川明媚浴我望人烟共遠奈此暮山何

雪中送僧還竹閣

白石竹閣雲生晚城市人歸夜雪平燈在北高峯頂上  
塔如千載玉長檠  
湖練平鋪肅夜濤柳翻玉母白旌旌舞殘鶯翻歸何處  
天上飛花散碧桃

山樂官寄野齋野齋周晉仙自題

山樂官山樂官爾為靈鳳典音樂想爾夙職來考槃莫  
厭山中多寂寞山中無事忘憂樂曉窗睡起春晝靜聽

爾幽情如有托山樂官山樂官縱令致汝百鳥前此聲  
此曲終難傳

往龍岫舟中

龍山溪上路短棹臘中行雪霽寒却澗春回宿霧生柳  
搖水綠斷鷺起玉衣明未見晴梅發先思杖屨輕

歸練潭

孤舟東下涉蘋溪兩岸幽花送客西到此山房綠陰滿  
午窗猶有子規啼

次韻答周伯弼信後見寄

清茶相對飲山巖憶在西峯寺裏時今日雲深無好伴  
澗松獨看掛猿枝

此亦一有到

寄周宗聖

我心如有失曾未識南園幾見開花落頻將好夢原時  
賢多厚祿君子尚衡門詩卷逢僧寄長吟落照村

遊何山登道場

中流望極山頭寺溪午聞鐘洵柳津春草細露微雨潤  
老松高與碧虛鄰雀歸烟麓書堂廢虎去寒巖蘚石皴  
無奈薄遊歸路晚水邊風旆濕征塵

友人銅雀臺硯

異物流傳因好古南來篋笥伴瑤琴漳河流水去無已  
魏主荒臺久廢沉往日姦文頑九錫今朝片瓦尚千金  
所嗟人事多浮偽誰識河濱古舜心

過聚景園

路繞長堤萬柳斜，春草待香車。君王不宴芳春酒，空鎖名園日暮花。

宿村莊

螻蛄偷火照田溝，山鬼移燈上樹頭。楓岸夜深茅屋閉，月明沙鳥自相謳。

伯弼出示新題樂府四十章，雄深雅健，有長吉之風，喜而有詠。

偉哉吳人周伯弼，國風雅頌今再昌。鈞天洞庭不敢張，楚芊晴泣嗟窮湘。慶祚三百多禎祥，嗚呼四十樂府章。春宵剪燭飛蘭香，浩歌激烈聲洋洋。貞魂義血流精光。

春宵一首

姦鬼妬魄誅幽荒，土木閃怪踏雪僵。茫、萬竅塞鼓篁，再洗律呂調宮商。金玉振耀齊鏗鏘，一清一濁均陰陽。風霆變化始有常，詠歌唐虞及高湯。矇瞍獻納皆贊襄，煌、天子朝明堂。永被金石無哀傷。

西峯日暮

手携一束書，秋風獨來此。松深夜月清，水冷芙蓉紅。嬾於簷下讀，两眼懸秋水。時看澗鼠來，食我山茶子。

老梅

一度開花一度新，莫嫌終老舊花身。文君頭白空銜怨，不及枝間碧蘚春。

聞子規

蘇東坡詩集

五

文瑞樓

客情誰是不思歸芳草春深未有期昨夜月明啼更苦  
山花滿樹落燕脂

送王以通之官金陵

芳辰蚤失意兼衰不擬君來重舉杯雲暗月墻花氣重  
蠟殘風幕鳥聲催醉鄉人有江東後乘興船從閣下回  
明日沙頭相送罷茶蘼小院獨徘徊  
伯符兄弟最英雄千載青山繞故宮宋祖只知曹馬事  
齊高還與鏡泉同暮蕭尚帶蘭陵怨春水多愁舊壘空  
登覽未應迷宿昔夜猿啼在晉時楓

湖上春晚

水邊三月芳菲晚楊柳樓船擁萬家浩歌鍾送白日

不知烟寺落桐花

龍山野望

聞說西潘桑柘少鷓來多種紫櫻桃龍山春晚聊舒望  
雪白梨花一丈高

雲巖寺

老來好古尚關心寺裏荒題幾度尋山鵲報晴窺畫閣  
水雞嫌雨上高林麥殘餘冷收春候棟落輕風滯晚陰  
無限幽懷難具寫一憑闌罷一閒吟

秋日與知言學士

水落小山浮山人上下遊月崖烟桂晚風浦石蘭秋食  
芟漁溪宿鳥葵野館留肩吾相對坐清話不知休

後谷春晚

烟冷雲深燕不歸，徑多松葉少花枝。  
春風過盡無行客，日晝山獐飲石池。

姚震父自剡來喜晴却行

梅發春江棹綠波，越鄉纔離認吳歌。  
尋花戴帽誰家去，載酒移船與客過。  
廢館夕陽寒柳動，古宮芳草白雲多。  
山行每是清晨出，歸路牛羊下遠坡。

遊雪城寄群州遠

老來雪上經過少，不復虛堂拜皎然。  
窺廟野童驚古像，拊碑山客慕先賢。  
雨多亂水穿城過，日上蒼山繞郡連。  
隔港木蘭搖客棹，浦荷香散碧雲天。

題壁

春來日：風兼雨，開戶晴軒長翠蘿。  
山鵲弄花飛不遠，隔簷衝散落梅多。

杉下聾僧

殿陰古杉高百尺，蒼弁蚪髯森澱漆。  
林深化蝶粉光冷，威鳳飄飄感仙實。  
旁有聾僧喚不聞，嘯枯吟如有失。  
或時兀坐何堆几，或時手把古書帙。  
中明星不復記，案上吟篇已亡律。  
居山六月不知暑，地涼艷草生幽蕊。  
茶灶泥崩古蘚粘，石盆仰地蓮花出。  
山童晝睡靠其旁，袴如盤絡不掩膝。  
僧今老矣無別懷，時夢響潭清汨。  
終當卜室居，其偏坐看蜿蜒舞清溢。

贈術者王翬

王君僧服而胡鬚贈我手寫千隸書秦漢古法淪俗筆  
鍾王秘刻藏綺疏君遊市俗誰問此我好奇古貧無餘  
閒來古寺看畫壁醉去野店烹寒魚擊竹有時談九命  
無錢踏雪走千壩問君歲晚君何如家有老婢歸田廬  
寄行宮監門王以通  
中興天子議攻車歎息諸公屈壯圖行殿不開塵鎖合  
至今風雨暗金鋪  
玉鈎簾外前朝柳闌鴨欄邊小艷葩莫道君王不曾問  
好收銀鑰護宮花

山行與伯弼同賦野廟

芳草沒荒基終年掩畫扉酒臺乾舊滴香殿入斜暉神  
樹枝、曲山魃箇、歸春來歌鼓動野老薦春薇

悼周晉僊

蕭散嵇康輩難教縛宦情識高渾脫畧意廣惜沈嬰老  
面烟霞古醉衣苔蘚生西峯難獨往茶灶對誰烹詩救  
元和失先生學最精律嚴方苦硬才大始縱橫貞曜何  
須謚魏閒相繼生他年詩集著風雅被家聲

秋蟬

日落秋蟬噪柳津為傷風露咽聲頻送晴送雨江亭外  
偏感舟行晚泊人

乾元山洪水



穀  
在  
年

乾元山頭洪水發溪有長蛟潛伺察兩岸居人莫等閒  
年深物怪終騰拔往歲隣封遭水變只道溪流淨如練  
倏忽人烟數里間夜半平沈皆不見東南地拆乾坤浮  
幾番赤子葬洪流神龜去後不復返休看浪打石人頭

防風王廟

萬國方尊禹防風殞殿趨應憐舞干戚獨不疑唐虞祭  
豆侵田鼠靈幡觸井烏椒漿春殿罷簫鼓舞村巫

御溪別周伯弼

夜館寒相對篝燈語夜眠夕烟生水郭風柳泊沙船暖  
棄山中宅春耕封上田西峯晴靄碧歸去挹飛泉

山池蚤秋

荷葉傾香露山池見蚤秋石涼幽蟹過枝脆雨蟬休  
蟻憑虛漲荒泉入亂流水花紅漠漠相對渚雲浮

曉離山隱

出山便與山花別清露叢邊不得留去伴水禽船上宿  
石溪斜月下滄洲

天竺秋日

翠滴千竿濕翠苔曲廊花木小叢開吳僧愛覓閒吟處  
偷向花邊竹裏來  
行繞方池日又斜青雲小注濕秋霞闌干幾度渾敲遍  
為引遊魚出浪花

震父與僧偕至

王謝清遊帶越僧共携山 坐共亭身閒不說為官日  
落、吟詩讀道經

茶爐

鍊泥合瓦本無功火煖常留宿炭紅有客適從雲外至  
小瓶添水作松風

惜梅贈別

蘆管含愁苦怨春况兼風雨送行頻數株零落寒雲畔  
難揀香枝寄遠人

雨窗

江湖春水欲生時開盡梅花雁北飛風雨滿庭人不寐  
小窗燈火夜深微

虎立

山色吳門少行人愛此遊天高雲閣晚石裂劍池秋虎  
去空陵變僧栖古塔幽上方曾眺遠落日駐扁舟

送通上人歸僊潭寺

寺憶清溪繞舟移曲岸分塔昏飛雨怪殿黑隱雷文錫  
掛秋房冷香浮夕帳熏蘚庭間望處碧雀下晴雲

雪中

風定片初微移時鵲噪稀曲塘添柳重形閣映花飛雀  
怪雲粘石僧疑月照扉閉門高臥者終歲復何依谷寺  
掩高扉松亭雪側垂石幢圍獸野殿沒寒鷄路轉空  
林積風驚老樹危草堂香火靜山鹿到荒墀

感雁來紅

落、雲中雁亭、墻下草草心將變紅雁聲來已蚤霜  
風日夜催對此忘吾老玲瓏葉數層次第顏色好燕脂  
染盡時倚闌如醉倒年、秋雁來每被吟情惱

寄姚贛州

雪蓬生剡溪家近放崔岑晉士有遺風愛尋支道林得  
善忘形服率然披素襟功名亦偶爾王戴非無心今人  
異古昔賤義而懷睚蕭條石門詠浩蕩東山吟如何昌  
黎翁醉鄉譏酒沉玉帶與金魚劉畢非所欽

秋館

林暑漸消歇爽氣浮高松風蟬有遺響露花結秋紅微

月出東嶺碧雲散遐穹暮館正虛寂泉聲雜鳴虫

送別

送別春湖動客心荷花無浪點寒金晴山望極連江郡  
沙鳥風檣度遠林

宿永安潭上

子規啼在亂山中廢寺春深莫閣重門外永安潭上水  
朝昏惟送一樓鐘

水倦花

洛浦香銷珮解時荆臺歸去峽雲遲綠羅湘帶無心疊  
玉墜頭花一半垂

送天竺僧還鄉

月冷雲深天上寺桂花千樹繞樓臺歸時若對閒人說  
莫道身從月裏來

廢宮

渺、笙歌散石筵霓旌吹斷網蛛懸經年不鎖青鸞殿  
野雀飛來玉幾前

溪上

休文瓏上陰雲起雨漲定安橋下水漁人莫倚滿溪流  
見說長蛟斂為鱗

看梅雜興

春動晴山照野扉蚤梅開後失歸期夕陽無奈山郵路  
過盡行人雪滿枝

掛頭方帽與烏紗况自看梅弟煮茶閒問水邊行樂去  
向陽渾有幾枝花

青松古院一株梅寒殺無人花自開日暮老僧清梵罷  
夜深偷照月華來

野棠花

野火回颺掩舊株新叢滿眼臨征途綠措深棘欲自蔽  
千朵萬朵爭敷腴新晴遠客過林坂烟漲吳船春洎晚  
冶艷空搖蕩子情繁香暗逐吳姬遠吳姬漂行人愁年  
年此花開不休半壁壞塙荒館外亂生春蕪野池頭人  
間買花貴紉綺一世事知異朝市曲檻朱欄轉首空野  
棠無主自成叢

春暮懷伯弔

貧富深谷近青霄春盡思君夢自勞  
歌鳥不來香室掩  
綬花空結紫藤高  
荒池瓦礫迷芳草  
曉案烟雲擁  
墨袍山近響潭多  
勝好論詩無處覓  
劉曹

苧瀆夜泊

吳城水冷秋風高  
迎霜楓葉飄  
城濠兵僕射利如射虜  
高  
大編橫江濤  
黃昏不顧風水惡  
驚兒怒  
何輕豪  
苧瀆人家慣迎接  
憧來往無停艘  
水上懸燈招夜泊  
沙頭認客相呼號  
人生富貴多不足  
亦有裨販當勤勞  
萬斛高裝謀重利  
斗升未給浮輕舸  
吾生最愛魯仲連  
封侯不受海上逃  
輕世肆志甘貧賤  
誰能富貴詘辱遭

大船  
上  
一  
本  
有  
一

夜歌新詩喜達旦  
起看征雁飛雲皋

悼趙宰紫芝甫

紫芝昔賦天台日  
桐栢宮詩老更成夢  
斷玉樓春帳曉  
蝶迷花院夕  
魂輕錢郎舊體終難並  
姚賈新裁近有聲  
有子無家須弔問  
故交誰不為傷情

果熟

方池曲沼動林花  
竹院僧閒日又斜  
西崦果園方晚熟  
一雙烏鴉打烏鴉

觀小魚

藻間相失復相尋  
水面爭浮力未禁  
隔岸木蘭船欲去  
浪花搖動一時沉

潭上

落葉寒潭上，秋風釣艇閒。  
片雲移晚渡，孤浪兀晴山。  
敗樹寒葢擁，高楓夕照還。  
一鷗飛起處，烟靄莫溪灣。

龍岫南窗書懷

茅堂猶未卜，幽興日遲回。  
帶雨聽昏笛，和燈看落梅。  
春風三月近，客鬢二毛催。  
憶得初來日，山寒暝葉堆。

葺唐栖舊廬

矯時無峻節，立行虧衆美。  
遠岳憚孤征，徘徊就鄉里。  
人情好愉悅，我老齊賢鄙。  
媿聽鄉言時，容側耳前脩。  
不可見法社，漸凋毀名山。  
半征徭祖塔，亂獐鹿林築。  
無清資澤居，舊址鑿牆納。  
晴曦蔭竹臨，幽祀時將了。  
歲

寒閉戶春風裏

書堂

數峯相對夕陰遮，新占書堂舊竹斜。  
地冷石堦秋菊小，一叢開得兩三花。

西湖日暮

渺、春湖夕靄浮，落花飛燕打蘭舟。  
遊人半入烟城去，月照笙歌上水樓。

夜歸

昨夜溪上歸，雲下扣松扉。  
老褐啟重鑰，凍龐循我衣。  
院靜雨聲大，氣寒燈帶微。  
叨聽林鳥春歌，訴無依。

秋晚

拒霜花落碧潭秋，漸向山巔水際遊。  
自看夕陽烏臼樹，白雲紅葉亂溪流。

送僧之金陵

秋針感線溪雲衲，幾回披隴月當窗。  
夜鍾山入句時夢，依紅樹宿寒渡碧江。  
遲吳楚繁幽勝相逢，苦未期。

將別舊山寄伯強

吾道貴日損，紀綱付有力。誓捨耕鑿資，生以寄信食。  
歲晏民物耗，膏枯鷹隼擊。寂士無豐姿，空田罄塵積。  
小減別我去，晚瓢先挂壁。饑寒併一身，舍下無遺跡。  
窮達不異趣，必生共短息。碩友亮難捨，他山終易適。

鷲峰

山後山前行，徧了倚欄不是動。  
秋吟從頭自較山中石，烟雨苔痕幾片深。

苔峯只就踏基列，臥榻雲窗烟翠涼。  
老去山中貪勝賞，只應迢遞負三相。

次韻伯弼值雨見雷

澗谷饒春雨，烹茶近石池。  
竹鷄鳴野澗，山雉出荒籬。  
草長藏初笋，花空只鷓枝。  
旅懷吟不盡，刻竹記幽詞。

送僧歸雪寺坐夏

道會三旬滿，鄉山九夏初。  
蝶移金鼓夢，龍護寶蓮書。  
日落沙洲迥，蘋香水殿虛。  
閉門溪上寺，好自安居。

月夜遊冷泉亭

地靈泉上寺松聲定深清獨聽子規叫况逢山月明樹  
藏春洞黑石擁夜泉鳴日出喧車馬終非隱者情

寄友

聞君蕭散在田廬想見琴書足自娛欲挈瓶盂就茆屋  
桃源圖上有僧無

聽琴

蘼蕪香散楚江頭湘竹叢邊淚不收莫把朱絲寫離恨  
夜深簾外鬼神愁

詠懷

落日重雲下哀、聞子規荆玉化為土湘淚摧空枝彼  
禽復何怨歲、號春時春風自無情衆芳日夜衰冉、

無終極哀樂徒爾為睇彼川上流浩蕩無前期

春日泛舟

野外苔磯好孤舟未可拋碧溪沿谷口晴柳護塘坳波  
靜魚吹沫林深鶻隱巢輕雲障暖日閒思渺春郊

庭心草

兀坐轉流光見爾庭心草亭、花未開靡、葉先老潛  
羨幾化螢芳蕤暫妍好峭處果徒勞吾言非計蚤

過青芝村觀晚梅

梅花樹下春風靜苔荒薜老園春井山翁汲泉來點茶  
觸殘花下玲瓏影

送別韶溪權上人

詩  
傳  
芳  
一  
年  
慢

山樂官  
古來歌舞者樂極總出泥山  
地靈泉上寺松聲定深清獨聽子規叫况逢山月明樹  
藏春洞黑石擁夜泉鳴日出喧車馬終非隱者情



溪行逢雪夜明月照孤身夜榜聞烟艇春耕見穡人蚤  
梅容易落征路往來頻應感隨陽雁年一度柳津

松陵答友人

鬱蘿天上挹星躔拾羽編衣泛碧蓮長笛亂吹明月夜  
秋風濯足太湖邊

憶舊隱付柔上人

遙憶荒階碧蘚生木蘭露重滴歸情秋山松桂皆森爽  
夜館星河幾晦明溪色乍涼雙鷺下兩聲纔絕一蟬鳴  
經房舊掩青楓老此夜無人月影清

寄鳳山滿上人

空生久不來端居常掩室緬懷舊林社泉壑翳清密古

鳳閣靈音野竹無花實動植皆營忘言消永日

周令自江真歸却溪

芳草萋迷征騎歸且依張負入書帷家園嬾記閒花草  
蔬豆重甘舊藿葵崔顥能吟有陳迹禰衡作賦想當時  
才能往為身累好讀淵明飲酒詩

春至

松鳴山欲浮昨夜春風過曉戶啟晴光蚤鶯啼一箇朝  
吟還自酬暮吟還自醉年光整來山房人亦樂

朝吟另五言  
倦句一畧

雲泉詩集